

欽定授時通考

欽定授時通考

欽定授時通考

目錄

卷一

天時門

總論上

卷二

天時門

總論下

卷三

天時門

春

卷四

天時門

夏

卷五

天時門

秋

卷六

天時門

冬

卷七

土宜門

彙考

卷八

土宜門

方輿圖說

卷九

土宜門

辨方

卷十

土宜門

物土

卷十一

田制上

土宜門

卷十二

田制下

土宜門

卷十三

田制圖說上

土宜門

卷十四

田制圖說下

土宜門

卷十五

水利一

土宜門

卷十六

土宜門

水利二

卷十七

土宜門

水利三

卷十八

土宜門

水利四

卷十九

穀種門

彙考

嘉禾瑞穀瑞麥

卷二十

穀種門

御稻米

稻一

卷二十一

穀種門

稻二

卷二十二

穀種門

稻三

卷二十三

穀種門

粱 稷

卷二十四

穀種門

黍

卷二十五

穀種門

粟

卷二十六

穀種門

麥

卷二十七

穀種門

豆一

卷二十八

穀種門

豆二

卷二十九

穀種門

豆三

卷三十

穀種門

麻

卷三十一

功作門

彙考

卷三十二

功作明

墾耕



卷三十三

耜勞

功作門

卷三十四

播種

功作門

卷三十五

淤蔭

功作門

卷三十六

耘籽

功作門

卷三十七

灌溉

功作門

卷三十八

功作門

泰西水法

卷三十九

功作門

收穫

卷四十

功作門

攻治

卷四十一

功作門

牧事

附

卷四十二

勸課門

彙考

卷四十三

勸課門

詔令

卷四十四

勸課門

章奏

卷四十五

勸課門

官司

卷四十六

勸課門

祈報

卷四十七

勸課門

敕諭一

卷四十八

勸課門

敕諭二

卷四十九

勸課門

祈穀

耕藉

卷五十

勸課門

御製詩文

卷五十一

勸課門

御製詩文

卷五十二

勸課門

耕織圖上

卷五十三

勸課門

耕織圖下

卷五十四

蓄聚門

彙考

卷五十五

蓄聚門

常平倉

卷五十六

蓄聚門

社倉

義倉

卷五十七

蓄聚門

圖式

卷五十八

農餘門

彙考

卷五十九

農餘門

蔬一

卷六十

農餘門

蔬二

卷六十一

農餘門

蔬三

卷六十二

農餘門

蔬四

卷六十三

農餘門

果一

卷六十四

農餘門

果二

卷六十五

農餘門

果三

卷六十六

農餘門

果四

卷六十七

農餘門

木一

卷六十八

農餘門

木二

卷六十九

農餘門

雜植

卷七十

農餘門

畜牧一

卷七十一

農餘門

畜牧二

卷七十二

蠶桑門

彙考

制居

浴種

卷七十三

蠶桑門

飼養

卷七十四

蠶桑門

分箔

入簇

擇繭

卷七十五

蠶桑門

繰絲

織染

卷七十六

蠶桑門

桑政



卷七十七

蠶桑門

桑餘

卷七十八

蠶桑門

桑餘

欽定授時通考卷二十一

穀種

稻一

御稻米

稻

御稻米



聖祖御製幾暇格物編豐澤園中有水田數道布玉田穀

種歲至九月始刈穫登場一日循行阡陌時方六月下旬穀穗方穎忽見一科高出衆稻之上實已堅好因收藏其種待來年驗其成熟之早否明歲六月時此種果先熟從此生生不已歲取千百四十餘年以來內膳所進皆此米也其米色微紅而粒長氣香而味腴以其生自苑田故名御稻米一歲兩種亦能成兩熟口外種稻至白露以後數天不能成熟惟此種可以白露前收割故山莊稻田所收每歲避暑用之尚有贏餘曾頒給其種與江浙督撫織造令民間種之聞兩省頗有此米惜未廣也南方氣暖其熟必早於北地當夏秋之交麥禾

不接。得此早稻。利民非小。若更一歲兩種。則畝有倍石之收。將來蓋藏。漸可充實矣。昔宋仁宗聞占城有早熟稻。遣使由福建而往。以珍物易其禾種。給江淮兩浙。卽今南方所謂黑穀米也。粒細而性硬。又結實甚稀。故種者絕少。今御稻不待遠求。生於禁苑。與古之雀啣天雨者無異。朕每飯時。嘗願與天下羣黎共此嘉穀也。

稻



穀種 稻 三

詩幽風十月穫稻。

朱子曰。稻。南方所合。稻米。水生而色白者也。

禮記曲禮。稻曰嘉蔬。

註。蔬與疏同。立苗疏。則茂盛嘉美也。

王制冬薦稻。稻以鴈。

大全。稻爲西方之穀。則陰類也。故配以鴈。鴈陽物。故也。

月令季秋之月。天子乃以犬嘗稻。

註。稻始熟也。

周禮天官。凡會膳食之宜。牛宜稌。

訂義。稌。稻也。澤中所生。與土畜相宜。

地官稻人掌稼下地。

易祓曰。稻宜於荆揚。厥土塗泥。乃沮洳下溼之地。此稻人所以掌稼下地。

爾雅稌稻。

註。今沛國呼稌。疏別二名也。案說文云。沛國謂稻爲糯。稌。稻屬也。字林云。糯。黏稻也。稌。稻不黏者。本草以粳米。稻米爲兩物。稌與粳古今字。然稌糯甚相類。黏不黏爲異耳。依說文稌稻卽糯也。江東呼糯。乃亂切。素問黃帝問曰。爲五穀湯液及醪醴奈何。岐伯對曰。必以稻米。炊之稻薪。稻米者完。稻薪者堅。帝曰。何以然。岐伯曰。此得天地之和。高下之宜。故能至完。伐取得時。故



能至堅也。

春秋說題辭。稻之爲言藉也。稻太陰精。含水漸洳。乃能化也。江旁多稻。故其宜也。

淮南子。江水肥仁而宜稻。

古今注。稻之黏者爲秣。禾之黏者爲黍。

廣志。有虎掌稻。紫芒稻。赤芒稻。南方有蟬鳴稻。有蓋下曰稻。

續博物志。粳粟米。五穀中最硬。得漿水易化。倉粳米炊作乾飯。食之止痢。

爾雅翼。稻米粒如霜。性尤宜水。故五穀外。別設稻人之官。掌稼下地。漢世亦置稻田使者。以其均水利故也。古

者之於穀。菽與苴以食農。麥以接續。至於食稻。衣錦。以爲生人之極樂。以稻味尤美故也。稻一名稂。然有黏有不黏者。今人以黏者爲糯。不黏者爲粳。然在古則通得稻稂之名。說文曰。稻。稂也。沛國謂稻曰稂。粳。稻屬。或作粳。是則直以稂爲稻耳。若鄭康成注周禮。稂。粳也。則稻是粳。然要之二者皆稻也。故汜勝之云。三月種粳稻。四月種稂稻。字林云。糯。黏稻也。粳。稻不黏者。今人亦皆以二穀爲稻。若詩書之文。自依所用而解之。如論語食夫稻。則稻是粳。月令秫稻必齊。則稻是糯。周禮牛宜稂。則稂是粳。豐年多黍多稂。爲酒爲醴。則稂是糯。又稻人之職。掌稼下地。至澤草所生。則種之芒種。是明稻有芒

有不芒者。今之粳則有芒。至糯則無。是通稱稌稻之明驗也。又有一種曰秬。比於粳小而尤不黏。其種甚早。今人號秬爲早稻。粳爲晚稻。又今江浙間有稻粒稍細。耐水旱而成實早。作飯差硬。土人謂之占城稻。云始自占城國有此種。昔真宗知其耐旱。遺以珍寶。求其種。始植於後苑。後在處播之。按國朝會要。大中祥符五年。遣使福建。取占城禾。分給江淮兩浙漕。并出種法。令擇民田之高者。分給種之。則在前矣。

**養生要集**。秬。稻屬也。稻亦秬之總名也。道家方藥。有用稻米秬米。此則是兩物也。稻米粒白如霜。味苦。主溫服。之令人多瘦。無肥膚。秬米味甘。主利臟。長肌膚。好顏色。

稻已割而復抽曰稻孫。

**理生玉鏡**六旬稻。一名拖犁歸。粒小。色白。四月種。六月熟。又有八十月稻。百日赤。毘陵亦有六十月稻。八十月秈。百日秈之品。百日赤。百日秈。俱白稈而無芒。七八月熟。其味白淡而紅甘。

**戒菴漫筆**稻花白而瓣少者米賤。多而色黃則貴。俗云銀花賤。金花貴也。

**湧幢小品**暹羅國稻。其粒盈寸。

**燕山叢錄**房山縣有石窩稻。色白。味香美。以爲飯。雖盛暑經數旬不餿。

**明一統志**雷陽界稻。十一月下種。揚雪耕耘。次年四月

熟與他地迥異。稻花午開暮合。開合皆於日中。香甚。有至七開七合者。

農政全書黃省曾理生玉鏡曰。稻之粒。其白如霜。其性如水。說文謂之稌。沛國謂之粳。以黏者謂之糯。亦謂之秣。以不黏者謂之秈。亦謂之粳。故汜勝之云。三月而種秈。四月而種秣。然皆謂之稻。魯論之食夫稻。粳也。月令之秣稻。糯也。糯無芒。粳有芒。粳之小者謂之秈。秈之熟也早。故曰早稻。粳之熟也晚。故曰晚稻。京口大稻謂之粳。小稻謂之秈。其粒細長而白。味甘而香。九月而熟。是謂稻之上品。曰箭子。其粒大而芒紅皮赤。五月而種。九月而熟。謂之紅蓮。其粒尖。色紅而性硬。四月而種。七月

熟曰金城稻。是惟高仰之所種。松江謂之赤米。乃  
之下品。其粒長而色斑。五月而種。九月而熟。松江謂之  
勝紅蓮。性硬而皮莖俱白。謂之穉種稻。其粒大色白。稈  
軟而有芒。謂之雪裏揀。其粒白無芒而稈矮。五月而種。  
九月而熟。謂之師姑秔。湖州錄云。言其無芒也。四明謂  
之矮白。其粒赤而稈芒白。五月初而種。八月而熟。謂之  
早白稻。松江謂之小白。四明謂之細白。九月而熟。謂之  
晚白。又謂蘆花白。松江謂之大白。其三月而種。六月而  
熟。謂之麥爭塲。其再蒔而晚熟者。謂之烏口稻。在松江  
色黑而能水與寒。又謂之冷水結。是謂稻之下品。其粒  
白而大。四月而種。八月而熟。謂之中秋稻。在松江八月

望而熟者。謂之早中秋。又謂之閃西風。其粒白而穀紫。五月而種。九月而熟。謂之紫芒稻。其秀最易。謂之下馬看。又謂之三朝齊。湖州錄云。言其齊熟也。其在松江粒小而性柔。有紅芒白芒之等。七月而熟。曰香秈。其粒小色斑。以三五十粒。入他米數升炊之。芬芳香美者。謂之香子。又謂之香粳。其粒長而釀酒倍多者。謂之金釵糯。其色白而性軟。五月而種。十月而熟。曰羊脂糯。其芒長而穀多白斑。五月而種。九月而熟。謂之臘脂糯。太平謂之硃砂糯。其白斑五月而種。十月而熟。謂之虎皮糯。太平又云。厚稈紅黑斑而芒。其粒最長。白稈而有芒。四月而種。七月而熟。謂之趕陳糯。太平謂之趕不著。亦謂之。

糯糯。其粒大而色白。四月而種。九月而熟。謂之矮糯。其稈黃而米赤。已熟而稈微青。布宜良田。四月而種。九月而熟。謂之青稈糯。其粒大而色白。芒長而熟最早。其色易變而釀酒最佳。謂之蘆黃糯。湖州謂之泥裏變。言其不待日之曬也。其粒圓白而稈黃。大暑可刈。其色難變。不宜於釀酒。謂之秋風糯。可以代粳而輸租。又謂之瞞官糯。松江謂之冷粒糯。其不耐風水。四月而種。八月而熟。謂之小娘糯。譬閨女然也。其在湖州。色烏而香者。謂之烏香糯。其稈挺不仆者。謂之鐵梗糯。芒如馬鬃而色赤者。謂之赤馬鬃糯。其粒小而色白。四月而種。六月而熟。謂之六十日稻。又遲者謂之八十日稻。又遲者謂之



百日赤。而毘陵小稻之種。亦有六十日粃。八十日粃。百日粃之品。而皆自占城來。實賴水旱而成實。作飯則差硬。宋氏使占城。珍寶易之。以給於民者。在太平六十日粃。謂之拖犁歸。有赤紅粃。有百日粃。其白粃而無芒。或七月或八月而熟。其味白淡而紅甘。在閩無芒而粒細。有六十日可穫者。有百日可穫者。皆曰占城稻。其已刈而根復發苗再實者。謂之再熟稻。亦謂之再捺。其在湖州。一穗而三百餘粒者。謂之三穗子。

**農書**治稻者。蓄陂塘以瀦之。置隄閘以止之。又有作爲畦埂。耕耙既熟。放水勻停。擲種於內。候苗生五六寸。拔而秧之。今江南皆有用此法。苗高七八寸則耘之。耘

放水。燻之。欲秀。復用水浸之。苗既長茂。復事薅拔。以去  
稂莠。農家收穫。尤當及時。江南上雨下水。收稻必用喬  
扞。笮架。乃不遺失。蓋刈早則米青而不堅。刈晚則零落  
而損收。又恐爲風雨損壞。此九月築塲。十月納稼。工夫  
次第。不可失也。大抵稻穀之美種。江淮以南。直徹海外。  
皆宜此稼。今閩中有得占城種。高仰處皆宜種之。謂之  
旱占。其米粒大而且甘。爲旱稻種甚佳。北方水源頗少。  
陸地沾溼處。宜種此稻。邱濬曰。地土高下。燥溼不同。  
而同於生物。生物之性雖同。而所生之物。有宜有不宜  
焉。土性雖有宜不宜。人力亦有至不至。人力之至。亦或  
可以回天。况地乎。宋太宗詔江南之民種諸穀。江北之

民種秔稻。真宗取占城稻種散諸民間。是亦大易裁成。輔相以左右民之一事。今世江南之民皆雜蒔諸穀。江北民亦兼種秔稻。昔之秔稻。惟秋一收。今又有旱禾焉。二帝之功利及民遠矣。後之有志於勤民者。宜倣宋主此意。通行南北。俾民兼種諸穀。有司考課。書其勸相之數。其地昔無而今有。有成效者。加以官賞。

農政全書徐獻忠曰。居山中。往往旱荒。乞得旱稻種。往時宋真宗。因兩浙旱荒。命於福建取占城稻三萬斛散之。仍以種法下轉運司示民。卽今之旱稻也。初止散於兩浙。今北方高仰處。類有之者。因宋時有江翻者。建安人爲汝州魯山令。邑多苦旱。乃從建安取旱稻種。耐旱

而繁實。且可久蓄。高原種之。歲歲足食。種法大率如種麥。治地畢。豫浸一宿。然後打潭下子。用稻草灰和水澆之。每鋤草一次。澆糞水一次。至於三卽秀矣。

**本草綱目**

李時珍曰。稻。秈糯之通稱。本草則專指糯爲

稻也。稻從昏音函。象人在臼上治稻之義。性黏軟。故謂之糯。汪穎曰。糯米緩筋。令人多睡。其性糯也。陶弘景曰。道家方藥。有稻米粳米俱用者。此則兩物也。稻米白如霜。江東無此。故通粳爲稻耳。不知色類復云何也。蘇恭曰。稻者穢穀之通名。爾雅云。稌稻也。秈者不黏之稱。一曰秈。汜勝之云。三月種秈稻。四月種秈稻。卽並稻也。陶謂爲二。蓋不可解也。馬志曰。此稻米卽糯米也。其粒大

小似秈米。細糠。白如雪。今通呼秈糯。二穀爲稻。所以惑之。按李含光音義。引字書解粳字云。稻也。秈字云。稻屬也。不黏。粢字云。稻餅也。粢蓋糯也。寇宗奭曰。稻米。今造酒糯稻也。其性溫。故可爲酒。酒爲陽。故多熟。西域天竺土溽熱。稻歲四熟。亦可驗矣。李時珍曰。糯稻南方水田多種之。其性粘。可以釀酒。可以爲粢。可以蒸糕。可以熬餈。可以炒食。其類亦多。其穀殼有紅白二色。或有毛。或無毛。其米亦有赤白二色。赤者酒多。精少。一種粒白如霜。長三四分者。齊民要術。糯有九格。雉木。大黃馬首。虎皮。火色等名是矣。古人釀酒多用秈。故諸說論糯稻。往往費辨也。秈乃糯粟。見本條。

又稻米氣味苦溫無毒。孫思邈曰。味甘。寇宗奭曰。性  
蘇頌曰。糯米性寒。作酒則熱。糟乃溫平。亦如大豆與豉  
醬之性不同也。孟詵曰。涼。發風動氣。使人多睡。不可多  
食。陳藏器曰。久食令人身軟。緩人筋也。小貓犬食之。亦  
脚屈不能行。馬食之足重。妊婦雜肉食之。令子不利。蕭  
炳曰。擁諸經絡氣。使四肢不收。發風昏昏。陳士良曰。久  
食發心悸。及癰疽瘡癩中痛。合酒食之。醉難醒。李時珍  
曰。糯性粘滯難化。小兒病人最宜忌之。

又李時珍曰。粳乃穀稻之總名也。有早中晚三收。諸本  
草獨以晚稻爲粳者非矣。粳者硬也。但入解熱藥。以晚  
粳爲良耳。陶弘景曰。粳米卽今人常食之米。但有白赤

小大異族。四五種猶同一類也。可以廩米。孟詵曰。淮澗之間最多。襄洛土粳米。亦堅實而香。南方多收水稻。最補益人。諸處雖多粳米。但充饑耳。李時珍曰。粳有水旱二稻。南方土下塗泥。多宜水稻。北方地平。惟澤土宜旱稻。西南夷亦有燒山地爲畚田。種旱稻者。謂之火米。古者惟下種成畦。故祭祀謂稻爲嘉蔬。今人皆拔秧栽插矣。其種近百。各各不同。俱隨土地所宜也。其穀之光芒長短大細。百不同也。其米之赤白紫烏。堅鬆香否。不同也。其性之溫涼寒熱。亦因土產形色而異也。真臘有水稻。高丈許。隨水而長。南方有一歲再熟之稻。蘇頌曰。香粳長白如玉。可充御貢。皆粳之稍異者也。

〔又〕粳米氣味甘苦平無毒。孫思邈曰：生者寒，燔者熱。李時珍曰：北粳涼，南粳溫，赤粳熱，白粳涼，晚白粳寒。新粳熱，陳粳涼。凡人嘗生米久成米瘕，治之以雞屎白。注穎曰：新米乍食動風氣，陳者下氣，病人尤宜。孟詵曰：常食乾粳飯，令人熱中，唇口乾，不可同馬肉食，發痼疾，不可和蒼耳食，令人卒心痛，急燒倉米灰和密漿服之，不爾即死。

〔又〕李時珍曰：秬亦粳屬之先熟而鮮明者，故謂之秬。種自占城國，故謂之占，俗作粘者非矣。又曰：秬似粳而粒小，始自閩人得種於占城國，其熟最早，六七月可收，品類亦多，有赤白二色，與粳大同小異，甘溫無毒。



閩書周禮揚州荊州其穀宜稻。閩屬揚州當首稻矣。左思三都賦國稅再熟之稻。宋馬益詩兩熟潮田天下無。蓋美閩稻也。說文謂稻爲粳。粳稌屬也。糯亦名秣。字林云糯稻黏而粳稻不黏。今之食米皆粳稻。釀酒則糯稻也。閩中記云閩人以糯稻釀酒。其餘蹂粉歲時以爲糰。粽粿糕之屬。福州曰粳曰秣。春種夏熟曰早稻。秋種冬熟曰晚稻。歲一熟者曰大冬。山田冬種者曰早占。霜降後熟者曰天降來。曰薰提。與早稻同熟者曰黃芒。與晚稻同熟者曰占城。曰稊。又曰土稊。歲再熟者曰金洲。曰白香秣。又曰糯。與早稻同熟者曰早秣。與晚稻同熟者曰晚秣。與大冬同熟者曰大冬秣。湘山野錄云福建八

郡皆有占城稻。泉州曰早稻。曰早仔。曰師姑早。曰晚香。曰大冬。曰寄種。曰青晚。曰占城稻。曰畚稻。曰白香稻。曰近山香。曰降來。曰大尖。曰小尖。曰中灌。曰新畚。曰河南早。曰河南秋種。曰白柳。曰烏芒。曰林鳳。曰藿香。曰一秋紅。曰紅芒。曰天上落。曰八月白。曰蘇州紅。曰烏稻。曰金城早。曰粟殼。曰尤溪早。曰早秣。曰晚秣。曰大冬秣。曰赤莠秣。曰牛頭秣。曰好殼。曰白秋秣。曰白占秣。曰花眉秣。曰虎皮秣。曰近山香秣。曰龍牙。曰斑占。建寧曰十日早。曰大糯。曰小糯。曰龍鳳早。曰半冬白。曰師姑早。曰九里香。曰大早。曰小早。曰天降早。曰爛泥早。曰七娘禾。曰小白禾。曰大白禾。曰小烏禾。曰大烏禾。曰野豬愁。曰無芒。

禾。曰真珠纍。曰麻子禾。曰公婆禾。曰銀珠秫。曰早禾。曰白禾子。曰烏禾子。曰厚芒禾。曰下馬看。曰白芒。曰黃穀。曰粳穀。曰白秬早。曰烏龍牙。曰紅糟秫。曰鋪城錦。曰溫州早。曰吳家傳。曰太師姑。曰小師姑。曰青絲禾。曰荔枝禾。曰猴尾秫。曰烏節秫。曰重陽秫。曰白芒秫。曰烏牙秫。延平曰秧歸。曰早子。曰金城早。曰江西早。曰天降。曰赤芒。曰白芒。曰赤穀。曰十溪。曰廖元山。曰早秫。曰晚秫。曰八月白。曰長芒。曰粟。山中野人間種之。汀州曰稻。興化曰早穀。曰穠。曰占穀。曰粟。曰青粱。曰黃粱。曰粱。皆粟類。漳州曰早稻。曰晚稻。曰大冬稻。曰寄種。曰占稻。曰香稻。曰白柳。曰畚稻。曰糯稻。以上稻種不一。又八郡方言不

同。有一種而異名者。具依本志。列之如右。

**天工開物**五穀獨遺稻者。以著書聖賢。起自西北也。今

天下育民人者。稻居什七。凡稻種最多。不黏者禾曰秔。

米曰粳。黏者禾曰稌。米曰糯。南方無黏黍。酒皆糯米所爲。質本粳而

晚收帶黏。俗名婺源。光之類。不可爲酒。只可爲粥者。又一種性

也。凡稻穀。形有長芒短芒。江南名長芒者曰劉陽。早短芒者曰吉安早。長粒

尖粒。圓頂。扁面不一。其中米色有雪白。牙黃。大赤。半紫。

雜黑不一。溼種之期最早者。春分以前。名爲社種。最遲

者。後於清明。凡播種。先以稻麥菁包浸數日。俟其生芽。

撒於田中。生出寸許。其名曰秧。秧生三十日。卽拔起分

栽。若田畝逢旱乾水溢。不可插秧。秧過期老而長節。卽

栽於畝中。生穀數粒。結果而已。凡秧田。一畝所生秧。供栽二十五畝。凡秧既分栽後。早者七十日卽收穫。粳有餓。喉下急。糯有金包銀之類。方語百千。不可殫述。最遲者歷夏及冬。二百日方收穫。其冬季播種。仲夏卽收者。則廣南之稻。地無霜故也。凡稻旬日失水。卽愁旱乾。夏種秋收之穀。必山澗源水不絕之畝。其穀種亦耐久。其土脈亦寒不催苗也。湖濱之田。待夏潦已過。六月方栽者。其秧立夏播種。撒藏高畝之上。以待時也。南方平原田。多一歲兩栽兩穫者。其再栽秧。俗名晚糯。非粳類也。六月刈。初禾耕治老膏田。插再生秧。其秧清明時。已借早秧撒佈。早秧一旬無水卽死。此秧歷四五兩月。任從烈日曝乾。無憂。此一畝

也。凡再植稻。遇秋多晴。則汲灌與稻相終始。農家勤苦。爲春酒之需也。凡稻旬日失水。則死期至。幻出旱稻一種。粳而不黏者。卽高山可插。又一異也。香稻一種。取其芳氣以供貴人。收實甚少。滋益全無。不足尚也。凡稻土脈焦枯。則穗實蕭索。勤農糞田。多方以助之。人蓄穢遺。榨油梛餅。梛者以去膏而得名。胡麻菜。蕪子爲上。蕪。草莖次之。大眼桐又次之。樟相棉花又次之。草皮木葉以佐生機。普天之所同也。南方磨菜豆粉者。取之時。撒黃豆於田。一粒爛土方三寸。得穀之息倍焉。土性帶冷漿者。宜骨灰蘸秧根。凡禽獸骨。石灰淹苗足。向陽暖土不宜也。土脈堅緊者。宜耕隴壘塊。壓薪而燒之。埴墳鬆土不宜也。凡早稻種。秋初收藏。當午晒時。烈日火氣在內。入倉廩中。關閉太急。

則其穀黏帶暑氣。勤農之家。偏受此患。明年田有糞肥。土脉發燒。

東南風助煖。則盡發炎火。大壞苗穗。此一災也。若種穀

晚涼入廩。或冬至數九天。收貯雪水。冰水一甕。交春卽不驗。

清明溼種時。每石以數碗激洒。立解暑氣。則任從東南

風暖。則此苗清秀異常矣。祟在種內。反怨鬼神。凡稻撒種時。或水

浮數寸。其穀未卽沉下。驟發狂風。堆積一隅。此二災也。

謹視風定而後撒。則沉自成秧矣。凡穀種生秧之後。防

雀鳥聚食。此三災也。立標飄揚鷹桶。則雀可驅矣。凡秧

沉脚未定。陰雨連綿。則損折過半。此四災也。邈天晴霽

三日。則粒粒皆生矣。凡苗旣雨之後。畝土肥澤。連發南

風薰熱。函內生蟲。形似蠶繭。此五災也。邈天遇西風雨一陣。

則蟲化而穀生矣。凡苗吐穡之後。暮夜鬼火遊燒。此六災也。此火乃朽木腹中放出。凡木母火子。子藏母腹。母身未壞。子性千秋不滅。每逢多雨之年。孤野墳墓。多被狐狸穿塌。其中棺木爲水浸朽爛之極。所謂母質壞也。火子無附。脫母飛揚。然陰火不見陽光。直待日沒黃昏。此火衝隙而出。其力不能上騰。飄遊不定。數尺而止。凡禾穡葉遇之。立刻焦炎。逐火之人。見他處樹根放火。以爲鬼也。奮挺擊之。反有鬼變枯柴之說。不知向來鬼火。見燈光而化矣。凡火未經人間燈傳者。總屬陰火。故見燈卽滅。凡苗自函活以至穎粟。早者食水三斗。晚者食水五斗。失水卽枯。將刈少水一升。穀數雖存。米粒縮小。入礮臼中。亦多斷碎。此七災也。汲灌之智。人巧已



無餘矣。凡稻成熟之時。遇狂風吹粒頽落。或陰雨竟旬。穀粒沾溼自爛。此八災也。然風災不越三十里。陰雨災不越三百里。偏方厄難。亦不廣被。風落不可爲。若貧困之家。苦於無霽。將溼穀升於鍋內。燃薪其下。炸去糠膜。收炒糗以充饑。亦補助造化之一端矣。

田家五行。雨水節。燒乾鏝。以糯稻爆之。謂之孛婁花。占稻色。自早禾至晚稻。皆爆一握。各以器列。比並分數。斷高下。以番白多爲勝。

欽定授時通考卷二十一

穀種

稻二

直省志書

宛平縣物產。稻有糯粳二種。香河縣物

產。粳稻。糯稻。水稻。旱稻。昌平州物產。稻處處有之。惟

玉泉山枹榆泉更佳。膳米於是霑焉。房山縣土產。稻

紅白二種。石窩稻色白。粒大。米粒美盛。煮經三晝夜不

餲。遵化州物產。稻有東方稻。雙芒稻。虎皮稻之類。皆

食米。糯稻有旱糯。白糯。黃糯。皆可釀酒。種者粳稻。九糯

稻。一旱田。九水田。一滿城縣土產。稻有黃鬚者。有烏

鬚者。有秈稻。有旱稻。米微紅。又有糯稻。涑水縣土產。

稻種於水田者。惟石亭新莊村有之。所出不多。邢臺縣物產。稻有三種。紅口。芒稻。糯稻。歷城縣方產。稻。秈糯也。秈宜飯。糯宜酒。歷雖山城。而城北一帶。盡屬水田。粳稻之美。甲於山左。鄒平縣物產。稻。澗水之濱。近始播種。新城縣物產。稻。東方瀕湖產。水稻閒有之。泰安州物產。稻。紅白二種。萊蕪縣物產。稻。有粳糯二種。萊蕪水田皆旱稻。故米不佳。濱州物產。稻。沿河地可藝。滋陽縣物產。稻。有糯有粳。曹縣物產。稻。有數種。水陸不同。又粘者謂之糯。米色黑。宜釀。鉅野縣物產。稻。子黑白二色。沂州物產。稻。有糯有粳。青州府物產。海上斥鹵原隰之地。皆宜稻。播種苗出。耘過四五遍。

卽坐而待穫。但雨暘以時。每畝可收五六石。次四五石。秋收見戶春米。貿遷得高價。可比魚鹽。若江南水田。雖純藝稻。然功多作苦。農夫經歲胼胝泥淖之中。收入反薄。畝多二三石。次一二石。不如此中海稻。功半而利倍也。安邱日照。雖有早稻。而粗硬不佳。益都種之不多。獲二年後。俱變爲莠矣。水中亦然。日照縣物產。有糯有粳。照產皆在陸地。稍旱則失收。農家不敢多種。萊陽縣物產。稻種分水旱紅白早晚。昌邑縣物產。稻水旱二種。永安稻佳。文水縣物產。稻軟硬二種。臨汾縣物產。稻粳糯二種。聞喜縣土產。稻紅色。惟董澤數村出。涇川縣物產。稻有早稻水稻二種。其色紅。鄆陵

縣土產。稻不秧種。紅澀欠佳。洛陽縣土產。稻。香粳稻。柳條青。糯稻。遂平縣土產。稻屬。黏米。晚望水白。馬尾。池紅毛。晚糯稻。白稻。紅粟稻。羅山縣物產。稻有早糯。占晚白。芒黑之屬。光州土產。稻。白黃黑糯。晚麻。秬。黃瓜。秬。馳黎回。直頭。秬。望水白。商城縣土產。秬。秬。晚稻。黑稻。糯稻。紅稻。渭南縣物產。稻有二種。硬者炊飯名。粳。黏者釀酒名。糯。產花園及大嶺川者佳。漕河川次之。韓城縣土產。據孺宜稻。志以小江南稱之。然貿之域外者無幾。西鄉縣土產。稻類。紅穀大小二種。冷水穀。百日穀。麻黏穀。銀珠穀。香穀。黃秧早。金線早。黃瓜早。紅米早。望水白。安南黏。青幹黏。土黃黏。鐵腳漢。葉裏藏。蓋

早黃。已上俱飯稻。百莖稻。黃殼糯。柳條糯。虎皮糯。寸穀。  
矮脚黃。三百顆。釣魚竿。香兒糯。麻殼糯。已上俱酒稻。  
六合縣物產。稻之屬。粳。穿珠稻。紅蓮稻。穀色青。有紅粒。  
炊熟味甘香。陸龜蒙詩。近炊香稻識紅蓮。六十日稻。閃  
西風。下馬看穗長。救公饑。輟稈青。箭子稻。丫田青。百日  
赤。三朝齊。靠籬望。洗耙早。五十日熟。紫芒稻。蟬鳴稻。花  
裏黃。鶴鶉秬。觀音秬。銀條秬。落芒秬。深水紅。瓜熟稻。晚  
白稻。早白稻。香粳稻。大粒長胖。農人畏種之。云種多則  
傷田。閒穀糯。趕陳糯。虎皮糯。火珠糯。輟稈糯。燕口糯。槐  
花糯。白殼糯。堆粒糯。光頭糯。矮脚糯。金釵糯。待西風。烏  
絲糯。豬鬃糯。佛手糯。鐵梗糯。魚鱗糯。隨秬糯。香糯。繩兒

糯粒長不圓。味最美。懷寧縣物產。秈稻種遲早不一。

其名甚多。田有宜早稻者。秋前收。仍種晚禾。有宜遲稻。

七月登場者。有八月九月登場者。大約百日內熟。糯稻。

有大糯。有秈糯。其名不一。大糯較佳。晚稻名晚白者佳。

赤與烏者次之。宿松縣物產。稻有秈秠二種。爲早穀。

爲龍鬚。早爲團白。爲小白。爲無名種。爲休寧矮。爲金包。

銀。爲賽子白。爲三度禾。爲鳴掌。爲拘馬。爲牽岡。爲水波。

爲寒先。皆秈屬。爲魚子。爲虎皮。爲蜜蜂。爲白秈。皆秠屬。

歙縣物產。秈有桃花紅。有高郵紅。自高郵移種者。米。

色如臙脂。有白禾。稻之稍遲者。長稈白米。質柔味甘。香。

瑩可愛。然實輕易取。盈於量而歉於衡。田主貴之。佃戶。

不貴也。秈土人呼爲大米。然地不甚宜。種者不一。糯其種有青稈。羊脂白矮。釀之多酒。有早歸生。六月成。有交秋糯。七月成。寧國縣土產。稻各種皆有。其米不黏者名粳。稻有掃帚白。百日黃。六月烏。三朝齊。銀條白。葉裏藏。矮其早。長其早。茄柯早。下馬早。湖洲秈。白沙秈。蝦鬚秈。蓮子秈。竹丫秈。毛黃秈。寒秈。鼠牙秈。金稈秈。鐵稈秈。冷水秈。金裹銀。三朝黃。瘦八尺。雁脚紅。金絲黃。湖洲白。生鬚黃。老來白。光頭黃。烏間白。穿珠白。思憶稻。矮赤稻。捺霜晚。霜下晚。釣竿晚。蘇州晚。觀音晚。隔山拖。沿坵熟。福建秈。三擔禾。愛八擔。紅粳稻。其米黏者。名糯稻。有烏嘴糯。抄秋糯。早紅糯。遲秈糯。白殼糯。紅殼糯。鴨脚糯。烏



節糯。硃砂糯。楊枝糯。柳條糯。楊花糯。青稽糯。柿紅糯。麻  
子糯。雪花糯。魚子糯。馬鬚糯。望水白。齊頭黃。蓋下其。見  
缸消。八斗糙。涇縣物產。稻有早稻。晚稻。秈稻。秠稻。山  
稻。南陵縣物產。秈稻。晚稻。白芒稻。黑稻。糯稻。貴池  
縣土宜。秈。其名有六十日白。六十日紅。八十日白。掃帚  
白。百日黃。六月烏。江西早。矮其早。蟻包早。茄柯早。下馬  
早。下馬看。救公饑。湖廣秈。廣東秈。白沙秈。蝦鬚秈。蓮子  
秈。竹丫秈。毛黃秈。寒秈。鼠牙秈。金稈秈。冷水秈。金裹銀。  
三月黃。雁脚紅。撩霜晚。霜下晚。釣竿晚。將軍晚。蘇州晚。  
觀音晚。糯。其名有烏角糯。抄秋糯。早紅糯。白殼糯。紅殼  
糯。柳條糯。楊花糯。青稽糯。隨秈糯。柿紅糯。麻子糯。魚子

糯。雪花糯。馬鬃糯。望水白。齊頭黃。蓋下箕。見缸消。七斗  
糙。青稈糯。江西瀘溪有糯。稱池州占。蓋諸種之一也。

太平府物產。多秈稻。多晚稻。多糯稻。有黑秈秈。十三種  
秈。占城秈。有六十日秈。俗稱拖犁歸。有赤紅秈。有百日  
秈。黃秈稻。細秈稻。蘆梗秈。麻秈稻。大粒秈。蝦鬚秈。穿珠  
秈。一名觀音白。晚稻六種。早晚稻。一名望水白。又名大  
子白。晚稻白稈。白芒。白米。雁來糧。弔梗青。一名寒青稻。  
糯稻十三種。早糯稻。一名雀不覺。又名秈糯。隨秈糯。燕  
口紅。虎皮糯。硃砂糯。一名臙脂糯。羊鬚糯。黃糯稻。卽秈  
稻。細頸糯。青殼糯。抄社糯。珠子糯。橘皮糯。紅陸糯。廬  
江縣土產。紅秈稻。白秈稻。早糯稻。晚糯稻。黑晚稻。白晚

稻。香稻。舒城縣物產。白早稻。黃瓜秬。直頭秬。江南秬。福德禾。梳子秬。白晚稻。黑晚稻。銀條秬。雀不知。紅嘴糯。女兒紅。芝麻糯。堆穀糯。羊鬚糯。銅嘴糯。馬鬃糯。觀音糯。青科糯。齊秬早。黃州糯。無爲州物產。竹牙秬。麻菇秬。落芒秬。早白稻。早紅稻。青柯糯。虎皮糯。鵲不知。烏尖糯。紅嘴糯。白晚稻。紅晚稻。黑晚稻。巢縣土產。紅稻。有百日秬。直頭秬。麻菇秬。竹芽秬。四紅秬。胡秬稻。王瓜秬。拖黎黃。白稻。有觀音秬。銀條秬。六十日秬。青楷秬。冷水秬。大粒秬。亂芒秬。麻穀秬。千家愛。糯稻有羊鬚糯。硃砂糯。虎皮糯。柳條糯。齊秬糯。牛筋糯。青科糯。紅芒糯。馬鬃糯。纍糯。深水糯。燕尾糯。晚稻有黑晚稻。紅晚稻。臨淮縣

物產。秔稻。有麻子秔稻。早先白稻。黃瓜秔稻。鵪鶉秔稻。烏山秔稻。脹破殼稻。矮白稻。紅芒稻。黑稻。糯稻。有羊鬚糯。馬鬚糯。虎皮糯。烏鬚糯。槐花糯。瓣子糯。大糯。小糯。六月黃糯。定遠縣物產。麻子秔。黃瓜秔。烏山秔。早先白。鵪鶉秔。脹破殼。矮白稻。紅芒稻。黑稻。女兒紅。羊鬚糯。馬鬚糯。烏鬚糯。大糯。小糯。瓣子糯。虎皮糯。槐花糯。六月糯。五河縣物產。稻有秔稻。芒稻。香稻。早白稻。深水紅稻。黃鷺公稻。老來變稻。下馬看稻。黑糯。臘脂糯。馬鬚糯。飛土倉糯。泗州物產。香稻亦芒稻也。類晚粳。色微黃。紅稗白實。鹽城縣物產。稻有粳糯二種。有早晚二熟。有紅黃紫赤黑斑青白數色。清河縣物產。有稻。曰秔。曰

糯曰秬。秬秠之早熟者曰旱稻。旱田種者曰小芒稻。後種先熟者曰香稻。味之芬芳者亦秠屬也。治北七十里。舊有香稻莊。揚州府物產有黃稔。烏節。大小香斑秬。及小赤秬。小白秬。龍爪秬。六月秬。齊梅秬。蘆稔秬。葉裏秬。麻筋秬。大鵝秬。白殼。白芒。早白。晚白。晚黃。赤鬚。黑支。焦黃。烏口。大紅芒。小紅芒。下馬看。六月白。鷺鷥白。丫田青。救公饑。縷子。籠下歡。潮水白。拖犁歸。深水紅。梅裏黃。弔殺雞。張公赤。磊塊赤。山骨崙。鶴腳烏。馬尾赤。泰州紅。又名海陵紅。紫紅芒。雀不知。觀音白。皆秠類。趕陳羊。脂燕口。羊鬚。秋紅。橘皮。烏飪。麻筋。虎皮。豬鬚。粉皮。秋風。雀不覺。皆秠屬。儀真縣物產多糯。曰燕口。曰紅芒。曰赤

筋曰穗前黃多晚曰江南白曰駝兒白曰深水紅曰長  
芒白多秬曰瓜熟曰龍爪曰鯽魚曰斑秬曰葉裏藏有  
黑稻曰鶴脚烏曰豬林高郵州物產早稻五十日六  
十日秬稻斑秬六月秬齊梅秬蘆稈秬龍爪秬鯽魚秬  
葉裏秬苞裏齊拖犁歸小赤秬小白秬麻觔秬大鵝秬  
大香秬小香秬白稻早白稻晚白稻軟頸白羊鬚白駝  
兒白青稻白青芒兒白頂霜白晚稻黃花稻小黃稻深  
水紅鶴脚烏下馬看弔殺雞母豬鱗糯稻秋風糯麻觔  
糯烏絲糯趕上陳雀不覺羊鬚糯寶應縣土產白秬  
一水秬玉斑秬齊頭白六月白香稻紅秬早紅蓮觀音  
柳苗強水不易沒農多種之古上樓有芒宜水田五十

日。七月上旬卽熟。視他種所獲較少。蘆管秬。宜水田。小黃稻。宜旱田。晚稻。俗呼上白米是也。刈獲最遲。畏水不敢多種。大晚稻。紅米。宜水田。糯稻。臘脂糯。穀紅米。白。烏金糯。米黑色。虎皮糯。殼色斑駁。魚鱗糯。拖犁歸。七月熟。趕上陳。七月熟。雀不知。七月熟。泰州物產。海陵紅。俗名泰州紅。馬尾赤。鶴腳烏。雀不知。隨犁歸。救公饑。六。十日。白。觀音秬。駝兒白。小香早。香黑早。白早。早秬。斑秬。焦芒。青芒。赤芒。黃芒。紫紅芒。烏殼。深水紅。丫田青。下馬看。鯽魚秬。香粢。鱔魚黃。皆秬稻。趕陳糯。羊脂糯。燕口糯。羊鬚糯。虎皮糯。秋紅糯。紅糯。皆秬稻。通州物產。稻種甚多。有早黃。晚黃。早白。晚白。早紅。晚青。青芒。白芒。青鬚。黑

皮黃。稉白殼。烏節。焦黃。鷺鷥白。串珠白。潮水白。深水紅。  
了田青。其粒長性硬。曰紅白秬。曰稚子斑。早熟者。曰粒  
公饑。曰拖犁歸。茂密而庭碩者。曰下馬看。見收。曰粃六  
升。曰籠下歡。曰薄十分。瘦長雪色。曰箭子稻。中秋熟。曰  
閃西風。初秋可蔣。曰六十日。不畏旱者。曰撇殺天。和他  
米炊之甚香。曰香滋糯。曰川米。早白最先熟。而晚白則  
皮薄易釀。芒赤米白。曰虎皮。性軟色芳。曰粉皮。一曰羊  
脂。稉硬。曰豬鬃。皮厚。曰薑黃。早種宜釀。曰趕陳。雖熟不  
枯。曰青枝。稉柔。可以爲索。曰麻筋。亦有香如香滋者。曰  
香秬。吳縣物產。稻秬之屬。箭子稻。紅蓮稻。穉秬稻。雪  
裏揀。師姑秬。早白稻。金成稻。烏口稻。早稻。中秋稻。紫芒



稻。枇杷紅。下馬看。大頭花。瓜熟稻。晚白稻。黃梗秬。一粒珠。麻皮秬。作飯粒長。薄十分。作粥易膩。梗殺。螿。香子米。八月白。牛尾白。丈水紅。老來紅。五石稻。救公饑。包十石。累泥烏。土塘青。天落黃。糯之屬。金釵糯。閃西風。羊脂糯。青稗糯。秋風糯。趕陳糯。矮糯。鵝脂糯。川粳糯。虎皮糯。羊鬚糯。臙脂糯。野人糯。樵子糯。恍雄雞。烏鬚糯。觀音糯。梗秬糯。佛手糯。小娘糯。蟹殼糯。喜蛛糯。鴨嘴糯。香梗糯。珠子糯。長洲縣物產。六十日稻。四月種。六月熟。米小色白。遲至八九十日熟。一名早紅蓮。又名救公饑。紫芒稻。紫殼白粒。金釵糯。粒長。鵝脂糯。崑山縣土產。稻之屬。三十有六。晚白稻。紅綠稻。早粳稻。金城稻。六十日稻。

中秋稻。雪裏揀。紫芒稻。救公饑。下馬看。紅蓮稻。麥爭場。  
香粳稻。薄十分。黃梗秬。麻子烏。烏口稻。百日赤稻。烏兒  
稻。趕陳糯。臘脂糯。鐵梗糯。虎皮糯。羊鬚糯。再熟稻。梘子  
糯。水晶糯。小娘糯。香子糯。閃西風稻。竈王糯。矮兒糯。瞞  
官糯。羊脂糯。金釵糯。蘆黃糯。常熟縣物產。紅蓮稻。芒  
長粒大。箭子稻。粒長色白。味香。晚熟。早白稻。晚白稻。又  
名蘆花白。穉稔稻。色斑粒長。性硬。或名勝紅蓮。紫芒稻。  
紫殼白米。雪裏揀。稗軟有芒。粒大色白。師姑秬。卽矮稻。  
無芒粒白。救公饑。六十日可望熟。又名早紅蓮。香子稻。  
一名香糲。色斑粒長。以一勺入他米炊之。飯皆香。閃西  
風。一名早中秋。八月半熟。麥爭場。最早熟。百日赤。芒赤

米白早熟。占城稻。卽早稻。金城稻。粒尖性硬。又名赤穀。烏口稻。皮芒黑。秋初亦可種。下馬看。卽江陰黃粳。俗呼三朝齊。枇杷紅。皮薄。色如枇杷。時裏白。早熟。一名節澳稻。烏兒稻。芒黑。米白。卽晚烏。軟黃粳。米白。粒大。性軟。味香美。金釵糯。粒長。性軟。棗子糯。殼黑。青稈糯。皮黃。粒白。已熟而稈猶青。羊鬚糯。色白。性軟。趕陳糯。米白。熟早。鵝脂糯。川粳糯。粒大。無芒。一名圓頭糯。虎皮糯。色斑。晚熟。臙脂糯。殼紅。粒白。矮兒糯。晚熟。瞞官糯。卽冷粒糯。鐵梗糯。稈勁。無芒。畏風。易落。細葉糯。米白。性軟。吳江縣物產。白稻。其粒大而圓。味甘美。他邑所無。出震澤者尤佳。其價高於常米十二三。此則大江以南所絕無者。太

倉州物產。秔稻。春分節後種。大暑節後刈。爲早稻。芒種節後及夏至節種。白露節後刈。爲中稻。夏至節後十日種。寒露節後刈。爲晚稻。過夏至後十日。不成種矣。早曰早白。早烏。早紅蓮。八月白。晚曰晚白。晚烏。晚紅蓮。有紅芒者曰嘉興黃。綠芒者曰梗殺。螳基。光頭者曰天落黃。紅色而香者曰香黃蓮。黃色者曰鴨嘴黃。其蘆花白。銀杏白。木瀆香。靠山青。諸種名不一。糯稻。早曰趕陳糯。蘆黃糯。羊鬚糯。晚曰靠山糯。老來糯。虎皮糯。其紅芒者。豬鬃糯。無芒而光者曰觀音糯。曰梗鮮糯。不耐風雨者曰小娘糯。又香子稻。粳糯二色。粒小而長。以少許入他米數升炊之。極香美。又有圓白而稈黃。大暑可刈曰蘆花糯。

性耐旱多收。又曰。瞞官糯。佃多喜種。凡糯穀須曝日中。色變有光。名上變。方適用。曝不變。俗呼痴糯。更不如蘆花糯。上海縣物產。秔稻宜水。有香秔米。粒小性柔。類糯。有紅白芒二種。又有一種曰香子。色斑粒更小。以三五十粒入他米炊之。芬香可愛。謂之香糲。七月熟。早白。稻皮白米赤。一名小白。五月種。八月熟。早中秋。一名閃西風。八月熟。中秋稻。四月種。八月熟。晚白稻。四月種。八月熟。箭子稻。粒長而細。色白味甘。香稻中上品。九月熟。紅蓮稻。皮白粒大。五月種。九月熟。穉穉稻。皮莖曰米色。斑粒長性硬。或以爲勝紅蓮。五月種。九月熟。早烏稻。皮赤米白。五月種。九月熟。紫芒稻。穀紫米白。五月種。九月

熟深水紅。六月種。九月熟。烏口稻。色黑晚熟。耐水與寒。今呼冷水稻。下品也。白花珠。性軟而香。五月種。九月熟。秈稻。粒稍細。耐水旱。有六十日稻。米小色白。一名帶犁。回。三月種。五月熟。百日赤。芒赤米白。一名挈犁望。三月種。六月熟。小秈。一名早秈。三月種。七月熟。大秈。卽晚秈。四月種。八月熟。金城稻。高田所種。米紅而尖。性硬。今呼赤米。穀之下品。糯稻。有秋風糯。稗。黃米。白粒圓。色最難變。每歲代晚稻輪租。故一名瞞糯。又名冷粒糯。不宜釀酒。種宜良田。大暑節刈。金釵糯。粒長。最宜釀酒。得汁倍多。三月種。七月熟。趕陳糯。米粒最長。四月種。七月熟。小娘糯。不耐風水。故名。四月種。八月熟。矮兒糯。粒白而大。

苗最短。四月種。九月熟。蘆黃糯。卽晚糯。粒大色白。芒長。熟最晚。色易變。釀酒最佳。今名泥裏變。羊鬚糯。穀多。芒長。四月種。九月熟。羊脂糯。色白性軟。五月種。十月熟。鵝脂糯。亦以色故名。四月種。九月熟。虎皮糯。色黃。五月種。十月熟。青浦縣土產。六十日稻。百日赤。小秬。大秬。早白稻。中秋稻。晚白稻。香秈。早烏稻。紅蓮稻。紫芒稻。深水紅。金城稻。秋風糯。金釵糯。趕陳糯。矮兒糯。蘆花糯。羊鬚糯。羊脂糯。無錫縣土產。無錫米。天下糯米。本縣最美。本縣又唯南鄉揚名等處爲道地。色純白。以釀則酒多。於他種。江陰縣物產。黃梗稻。無芒。粒大性堅。品最上。紅蓮稻。芒紅粒大。米最佳。白稻。皮芒白米赤。其稻有早。

白晚白。早者六十日可熟。烏鬚稻。熟最早。性柔稈弱。紫芒稻。紫殼白米。香子稻。米色斑粒小而長。入他米炊之。則飯皆芬芳。今人謂之香珠。金城稻。四月種。七月熟。米紅而尖。性硬。穀之下品。辨穠稻。綴粒甚密。顆稍圓細。靠塘青稻。米多稈長。畝可三石。瓜熟稻。極早而粒長。又曰六十日。救公饑。鐵梗糯稻。梗硬色黑。水晶糯稻。粒瑩白。如水晶。虎皮糯稻。五月種。十月熟。色斑斑然。趕陳糯稻。四月種。七月熟。米粒最長。短其糯稻。稽短。九月熟。極早不損。又一種名長水紅。粒最長。積三粒可盈寸。極澇不傷。靖江縣食貨。稻之屬有糯。先熟易落曰早白糯。皮薄易釀曰晚白糯。芒赤米。白曰虎皮糯。晚熟性軟。色芳。



曰羊脂糯。稈硬曰鐵梗糯。皮厚曰薑黃糯。早種宜釀曰趕陳糯。雖熟不枯曰青枝糯。稈柔可爲索曰麻筋糯。香勝於香秈曰香糯。旱種曰撇殺天。又有秋分糯。勻暖糯。焦子糯。野雞糯。等名。有粳米白早熟曰早黃川。卽早白稻。粒大性軟曰晚黃川。又有日晚青。米長性硬曰紅白秈。粒大而佳曰早紅蓮。早熟曰救公饑。亦曰金升稻。曰拖犁歸。圓碩見收曰粃六升。瘦長雪色曰箭子稻。中秋熟曰閃西風。初秋可蒔曰六十日。曰烏口稻。皮芒稍黑。和他米炊之甚香曰香滋米。又有觀音秈。茨姑秈。深水紅蠶子白。三穗干。下馬羨。烏芒香珠等名。皆九十月穫。丹徒縣物產。稻有秈有糯。秈之屬又有大小。土人謂

大稻秈。小稻秈。大稻之種十六。曰香子。曰鯽魚。曰灰鶴。曰時裏。曰八月白。曰蘆花白。曰浪裏白。曰白蓮子。曰紅蓮子。曰早紅芒。曰晚紅芒。曰青川黃。曰稗川黃。曰馬尾鳥。曰老丫鳥。曰下馬看。今又有塊紅芒。靠山黃。白芒。紅芒。撇殺。天數種。小稻之種有六。曰白尖。曰紅尖。曰晚秈。曰六十日。曰八十日。曰一百日。百日種自占城來。今又有觀音秈。銀條秈二種。糯之種亦有九。曰芒。曰香。曰晚。曰抄社。曰羊脂。曰牛虱。曰虎斑。曰柏枝。曰長稗。今又有黃皮。矮箕。早白。中廣。馬鬃。雀嘴。稱鈎紅。芒麻筋。早秋風堆子紅。殼鼈。六升。十二種。丹陽縣物產。稻出西鄉者佳。而東南鄉近古荆城地。數十里多種糯。則地土所宜。

有不同也。仁和縣物產。秈有黃稗秈。七月熟。交白稻。逢白露則熟。早遲芒。晚遲芒。金裹銀。紅蓮子。木樨黃。鴈來青。種最遲。泰州紅。初稈黃。黑鬚。大黃稻。小黃稻。晚稻。種類不一。鵝爪黃。赤芒兒。赤稻。紅稈。烏早。遲芒。花蓮子。銀杏白。糯有早糯。羊鬚。鐵梗。光頭。臘脂。烏鬚。馬鬃。金釵。蘆花。嘉興縣物產。秈有香秈。早花。中秋。晚花。黃秈。白芒。黃芒。赤芒。香稻。烏稻。八月白。鐵稈青。蘆花白。秈有白殼。烏蓑。雞脚。蝦鬚。蟹爪。香糯。趕陳糯。蘆花糯。羊脂糯。蒲子糯。秀水縣物產。秈有箭子稻。香秈稻。大秈。小秈。早白稻。晚白稻。赤芒。白芒。早稻。烏稻。大烏芒。小烏芒。烏鬚。烏兔。灰稻。大黃稻。小黃稻。青頭光。青芒稻。馬鬃。烏鵝脚。

黃靠山青。麻子烏。赤秬。晚陳小白稻。雪裏揀了川青。雀  
不知紅稗。黃粳秬。閃西風。百日赤。三朝齊。八月白。中秋  
稻。六十日稻。再熟稻。靠籬望。救公饑。凡四十種。糯有金  
釵糯。珠子糯。硃砂糯。臙脂糯。佛手糯。竈王糯。西洋糯。麻  
筋糯。羊脂糯。烏鬚糯。芝麻糯。榧子糯。趕陳糯。羊鬚糯。鐵  
梗糯。閃西風。香糯。晚糯。凡十八種。嘉善縣物產。香秬。  
烏稻。香稻。早白稻。早中秋。黃芒。野稻。黃秬。黃穞。中秋稻。  
六月紅。銀杏白。箭子稻。鐵稗青。靠塘青。晚白稻。山白稻。  
周家稻。雀勿知。趕陳糯。小娘糯。矮兒糯。羊鬚糯。羊脂糯。  
蒲子糯。觀音糯。榧子糯。茄子糯。蟹爪糯。蘆花糯。菊花糯。  
石門縣物產。早稻。廣稻。晚稻。黃稻。早稻。將軍稻。秋分

稻。三穗千。烏龍稻。香粳稻。雞骨黃。木樨黃。蠶磨子。綿環  
稻。早糯。早糯。中秋糯。豬血糯。晚秋糯。矮脚糯。香粳糯。鴨  
嘴糯。羊鬚糯。泥裏變。平湖縣物產。秔之品。香粳稻。又  
名紅蓮稻。紫芒稻。紫殼白粒。雪裏揀。色白粒大。稈軟而  
有芒。蘆花白。卽晚白稻。早白稻。揀選稻。鵲不知。秋初早  
熟。糯之品。金釵糯。粒長。鵝脂糯。一名羊脂糯。虎皮糯。色  
斑。十月熟。馬鬃糯。樵子糯。白殼糯。西洋糯。竈王糯。羊鬚  
糯。蘆花糯。歸安縣土產。早赤芒。鴈來烏。薄殼稻。觀音  
稻。大葉黃。穉稔稻。金城稻。鵝脚黃。金裹銀。黃赤稻。赤稻。  
八月白。早黃稻。晚黃熟。三穗千。野雞斑。山白稻。冷水紅。  
香秔稻。以上俱秔稻。烏香糯。硃砂糯。馬鬃糯。豬血糯。羊

鬚糯。黃皮糯。矮兒糯。鐵稗糯。趕陳糯。光頭糯。以上俱糯  
稻。長興縣物產。秔之屬十二。黃秬。白粳。赤秔。烏稻。烏  
鬚稻。宜興白。觀音稻。七月白。宣州白。三朝齊。黃粳。秬。鵝  
腳。黃糯之屬七。羊鬚糯。烏香糯。珠子糯。趕陳糯。白糯。盈  
塘青。矮腳糯。孝豐縣土產。稻有黃秬。稻。百日秔。落馬  
秬。觀音秬。紅黃秬。趕陳秬。光頭秬。鐵梗糯。羊鬚糯。烏香  
糯。泥裏變糯。硃砂糯。山陰縣物產。早稻。六月早熟。紫  
口甲。嘴微紫。粒細。朝穰。俗謂之老芋。烏麤稗。細稗。細珠。  
早白黏。晚白黏。料水白。歲遇甚潦。輒能長出水上。烏銜  
來。實類餘杭。白而色稍青。鵝腳黃。穗低而葉仰。健腳青。  
熟時莖挺而色猶青。早黃黏。餘杭白。粒圓而白。俗傳種

自餘杭來。故名。稚蒙粒麤而黏。最短。以上俱秔類。雪裏青。江西稻。矮宜興。榷糯。青稈糯。水鮮糯。八月早熟。羊鬚糯。臙脂糯。紅糯。其芒赤。其實較他種稍重。矮方巾。早熟。而殼薄。黃殼糯。早熟。以上俱秈類。餘姚縣物產。秔。早熟者曰早白。早紅。晚紅。泰州紅。野紅。細稈紅。上虞白。黃巖稻。晚熟者曰早白黏。晚白黏。黃黏。縮頸白。羅村白。湖州白。九里香。光頭九里香。八月白。晚青糯。曰趕陳糯。早黃糯。水仙糯。矮黃糯。光頭糯。旱田糯。天落糯。珠子糯。金裏銀。泥裏變。畔社。早珠。臨海縣物產。稻。夏熟者名早禾。冬熟者名晚禾。早禾早者。一名六十日。一名隨犁歸。一名梅裏白。次早者。一名白婢暴。一名赤婢暴。又有白

散。一名八月白。白粳遲青。縮頭紅。馬嘴紅。早稜。宜高田。  
倒水賴宜低田。晚禾有早糯。晚糯。矮糯。冷水糯。烏節糯。  
白糯。黃皮糯。臘脂糯。天台縣物產。秈稻。紅稻。糯稻。晚  
稻。拖犁歸。淮白。矮白。落馬相。諸暨。早毛白。皆秈稻。淮紅。  
長稜。紅硬殼。紅早紅。細紅。皆粳類。白糯。紅糯。黃皮糯。烏  
節糯。麻糯。荔枝糯。烏鹽糯。毛糯。野豬粳。皆糯類。仙居  
縣物產。稻六十日。黃巖早。藍溪白。縮頭紅。金裏銀。温州  
青。霜下晚。黃扁糯。冷水清。長稜。紅早糯。晚糯。香糯。寧  
海縣物產。稻早紅。晚紅。早水紅。縮頭紅。縮頸早。老辣赤。  
馬郎遲。洛陽青。湖廣白。沙鮮白。金裏銀。櫻珠糯。黃扁糯。  
黃巖糯。諸種。湯溪縣物產。早白禾。早赤禾。晚白禾。晚



赤禾。金裹銀。白芒兒。西安縣物產。稻粳有白禾。紅禾。龍泉禾。江西早。六十日禾。俱六月熟。金裹銀。太平早。七月熟。晚稻十月收。以上諸稻。浙西俱謂之尖米。本色。僅有此種。無所謂團米者。糯有白殼糯。紅殼糯。重陽殼。湖州糯。處州糯。麻子糯。草鞋糯。臘脂糯。鐵漿糯。白芒糯。烏嘴糯。俱同晚稻。十月收。又有晚禾。神仙稻。旱地可種。又有二種。曰安南早。曰浦稜。最耐旱。龍游縣物產。白禾。六十日禾。龍泉禾。紅禾。江山早。太平早。金裹銀。白殼糯。紅殼糯。鐵漿糯。白芒糯。草鞋糯。臘脂糯。烏嘴糯。晚禾。神仙稻。永嘉縣地產。稻有地暴。金成。百箭。白散。早糯。八月白。龍袖。香晚。占城。磊黃。晚糯。隔江牽。瑞安縣物

產。白散。多芒。色白。小暑卽熟。地暴有紅白二色。粒尖細。七月收。水稜。一曰小青。粒純赤。占城最耐旱。有紅白二色。磊晚無芒。百箭芒勁。寄種。輭稗白。西芒白。龍袖。粒大米白。輭稗。色白。粒大味甘。八月穫。穫後其根復萌。無異初稻。謂之早稻。十月刈。紅羅帳。穎赤色。金裹銀。穀赤米白。早糯。一曰大糯。七月穫。晚糯。粒大而堅。十月穫。其名不一。有黃糯。白糯。烏糯。矮糯。青糯。初冬穫。金水糯。卽水糯。宜山田種之。樂清縣物產。稻地暴。有紅有白。白散。紅芒。占城。早糯。晚糯。矮糯。黃糯。臘脂糯。平陽縣物產。稻有梅裏白。地暴。占城。早赤白。西龍袖。野豬哽。紅芒。磊晚。輭稗。黃芒。太倉。矮早。早糯。烏飭糯。黃糯。晚糯。渠糯。冷

水糯。矮回。水稜。松陽縣物產。香稻。白稻。龍泉稻。晚稻。占城稻。早稻。師姑稻。冷凌稻。早糯。晚糯。望秋糯。烏鬚糯。淮南糯。龍泉縣物產。稻有占城。赤早。早湖。金華。地暴。鷓鴣斑。海棠。碧巖。中師姑。白鬚糯。烏鬚糯。師姑糯。社交糯。青粳。馱子。黃匾子。赤芒。白芒。龍鳳。竹香。赤谷。小子。黃糟糯。下馬看。椒子糯。青粳糯。荔枝糯。赤鬚糯。宣平縣土產。蘭溪白。金裹銀。六十月黃。蔡家秬。青田晚。師姑晚。雉雞糶。雪稻。下馬漢。早糯。九月糯。晚糯。烏節糯。

欽定授時通考卷二十一

穀種

稻三

直省志書

新建縣食貨。稻之屬。占稻。九十日占。百日

占。百二十日占。北風占。大生占。見秋紅占。背塘占。晚赤

占。齊頭占。矮占。柳占。土黃占。通仙占。無名占。毛占。麻占。

白米秋占。洞占。救公饑。團穀早。尖穀早。一坵水。七十日

早。由風早。百日早。見秋早。南早。陝西早。瀏陽早。南陵穀。

小赤穀。赤穀。烏穀。冷水秋。早大禾。大赤米。黃尖嘴。大禾。

大時禾。七斗糙。烏大禾。硬藁。占之外曰糯。有百日糯。鐵

糯。柳條糯。倒藁糯。赤粒糯。油麻糯。椎子糯。金絲糯。大糯。

欽定授時通考卷二十一 穀種 稻三

馬牙糯。紅殼秫。虎皮秫。奉新縣土產。稻。團穀。早。尖穀。

早。救公饑。隨犁歸。七十日早。百日早。北風粘。遲穀。油紅

穀。大禾。芒。大禾。代禾。皆粳稻。早糯。烏糯。白糯。黃糯。紅菱

糯。大糯。皆釀酒糯。靖安縣物產。早占。百日早。油紅。蘆

花早。油赤。七月熟。洞粘。粽子糯。麻糯。九月熟。糙糯。冷水

糯。寒粘。大禾糯。十月熟。武寧縣土產。百日占。晚赤占。

白米秋占。洞占。寒占。雷州占。救公饑。君行早。赤穀。烏穀。

臨江早。一坵水。望暑白。黃泥占。尖穀。冷水秋。大禾。紅殼

糯。白糯。柳條糯。稜子糯。苦株糯。烏節糯。黃絲糯。晚糯。

寧州土產。大糯。赤糯。百日糯。鐵脚糯。柳條糯。油麻糯。金

絲糯。倒藁糯。碓子糯。馬牙糯。百日粘。北風粘。百二十日

稀。九十日粘。大生粘。晚赤粘。赤穀。矮粘。見秋紅粘。北塘粘。白米粘。齊頭粘。柳粘。白米秋粘。油紅粘。秒粘。小赤穀。土黃粘。無名粘。南陵穀。毛粘。虎皮粘。通山粘。冷水秋。大禾。紅殼秣。大赤米。黃尖嘴。烏大禾。硬藁。懶擔糞。早大禾。七斗糙。麻粘。洞粘。高安縣物產。稻有團穀。早。尖穀。早。救公饑。七十日早。百日早。秋風粘。冷水粘。遲穀。大禾。皆硬稻。早糯。烏糯。白糯。黃糯。紅菱糯。鐵腳糯。交秋糯。重陽糯。遲糯。大糯。鴨腳糯。皆釀酒。上高縣物產。早穀。有茆葉早。五十工。洗白早。頓齊粘。蘇州早。童子粘。撫州早。紅米早。白殼糯。紅菱糯。黃扁糯。鐵腳糯。晚穀。有秋風粘。吉安早。黃泥早。亂麻粘。冬粘。木子粘。長鬚粘。粳禾糯。重陽

糯。燕口糯。大禾糯。柳條糯。黑鬚糯。紅殼糯。白殼糯。建昌縣物產。稻。秈之早者。有望暑白。救公饑。刷箒早。一坵水諸名。秈之早者曰大糯。有赤白二種。秈之遲者。有北風粘。八月白。烏穀。芒穀之類。秈之遲者。有團糯。粘糯。荔枝糯之類。又有晚粘稻。晚糯稻之類。則刈早稻而復植於早田者。德化縣物產。早穀。有駝犁白。留姑早。王瓜早。六十日。九十日等名。白穀。有竹丫粘。蘆花白。大白穀等名。紅穀。有鴨腳秈。柳條赤等名。晚稻米白而質膩。種後晚生。烏穀殼黑而多芒。五月始種。芒穀一名種穀。有烏白二種。糯穀有早紅糯。殼糯。黃金糯。哽雞糯數種。玉山縣物產。早秈。白穀。紅穀。早糯。白糯。紅糯。晚糯。晚禾。

建陽早。紅米糯。鉛山縣物產。救公先。三朝齊。竹了早。  
白沙早。高脚紅。紅根早。北風粘。夏桃紅。三有禾。五家傳。  
猴孫糯。上早糯。八月糯。重陽糯。胡椒糯。苦株糯。師姑糯。  
響穀糯。羊鬚糯。秬粟糯。興安縣物產。早穉。有六十日  
早。上早等名。白穀。有竹了。白沙。紅根早。桐子白。福德早  
等名。紅穀。有桃紅。竹雞斑。早紅。遲紅。晚穀。俗呼大禾穀。  
糯穀。有早糯。赤糯。重陽糯。白穀糯。徽州糯。連根糯等名。  
東鄉縣物產。早粘。救公饑。夏桃紅。白沙粘。池州鮮。倉  
背笑。下馬看。竹極粘。冬粘。早糯。晚糯。白穀糯。青絲糯。焦  
紅糯。南豐縣物產。五十日粘。六十日粘。淮禾早。大磬  
早。白沙早。龍牙粘。黃土粘。江東粘。百日粘。清流粘。華山



粘。溫涼粘。茅裏粘。八月白。鐵腳稞。光頭藜。缺芒藜。細穀。藜。三有糯。響鈴糯。重陽糯。虎皮糯。椒子糯。老人糯。長腰糯。鹽夫糯。光頭糯。廣昌縣物產。六十日粘。白沙早。光冬冬粘。茅裏粘。紫糯。重陽糯。虎皮糯。瀘溪縣物產。稻之屬。有早黏。有遲黏。有糯稻。名目不一。其早黏。春社日前後浸種。立夏前後蒔。立秋而熟。最早者名五十日黏。次名六十日黏。他種青黃不接。而此兩種先可食。田家種以繼不足。俗云救公饑是也。餘一名梳上早。有紅白二種。七十日始熟。白沙黏。三月種。六月熟。米圓而大。江東早。耐寒多粒。大穀黏。細穀黏二種。以粒大小異名耳。百日黏。福德黏。八月白。晚稻而早熟者。米香白可貴。至

若李廣黏。石城黏。龍牙黏。流水黏。池州黏。冬黏。鐵腳黏。俱色朱而堅。九月始熟。稻之黏者。重陽糯。應節候而熟。故名。黏禾稻與早禾同熟。卽五十日糯也。關公糯。穀紅而米白。老人糯。芒刺長而穀赤。石冊糯。早晚有異。各目不一。萬安縣土產。江州禾。冷水白。百日黏。紅穀。晚穀。烏嘴。大稻。晚糯。秋風糯。青鐵墜。白糯。黃鐵墜。鐵腳撐。綿子白。羊蹄糯。硬木香。大秋風。油麻糯。光骨蕾。柳條糯。清江縣土產。稻最早熟者。名救公饑。色白味香甘。有團穀。早雲南早諸種。孚甲薄而米堅好。有秋風黏。蓑衣黏。諸種。色赤甲厚。有金穀黏。田之低窪者種之。六月插秧。九月方熟。有晚稻。至冬乃熟。色白粒長。種之者少。而性

則冷。又有早糯。有晚糯。宜春縣物產。黏穀紅白二種。有五十日黏。六十日黏。八十日黏。百日黏。大黏。鬚黏。晚穀。贛州早團穀。早穀。糯穀。有早糯。晚糯。白殼糯。燕口糯。鴨婆糯。矮脚糯。重陽糯。子紅糯。萍鄉縣物產。鬚粘。團粘。安福粘。團穀粘。百日粘。紅米粘。白穀粘。贛州早。救公早。務原早。大米禾。大紅禾。百日糯。重陽糯。北京糯。紅鬚糯。粽子糯。黃絲糯。烏鴉糯。雩都縣物產。早稻。大穀。早晚稻。八月白。冷水白。葉底黏。早糯。重陽糯。大糯。蝦鬚糯。安遠縣物產。早禾。八月黏。火燒黏。大禾。早糯。黏子糯。蝦鬚糯。晚糯。寧都縣物產。六旬黃。七旬熟。日日赤。八月白。留外婆。救公饑。師姑早。和尚光。倉背笑。大穀早。

鼠牙早。矮脚紅。金包銀。響玎璫。石上珠。廬江早。茅裏苦。  
重陽糯。瑞金縣物產。稻。晚稻。早稻。早糯。大糯。金包銀。  
水珠糯。湖廣糯。陝西糯。羊鬚糯。龍南縣物產。六月早。  
七月早。八月早。晚稻。早糯。黏糯。重陽糯。大冬糯。大禾穀。  
定南縣物產。火燒黏。六月熟。重陽糯。黏糯。早糯。蒲  
圻縣物產。稻之類。有洗白早。金環早。陵江早。無名早。無  
名遲。麻赤穀。馬鬃糯。柳條糯。蝦鬚糯。咸寧縣物產。山  
黃稻。望水白。留姑早。銀包金。黃姑早。竹雞斑。花黏。六十  
日早。香稻。折稻。大粒穀。和尚苗。銀朱苗。烏鬚苗。馬牙糯。  
見缸消。細子糯。六月零糯。下馬看。浮糟糯。蝦鬚糯。橘皮  
黃。漢陽府物產。稻屬。有洗耙早。拖犁回。一坵水。七十

日黏。待時早。江西早。麻黏兒。白芒兒。王瓜早。秋風早。青黏。火黏。騎牛撒。早糯。晚糯。鬚糯。牙脂白。虎皮糯。柳條糯。烏節糯。油紅黏。蘇州晚。香稻。接早子。蓋草黏。等苞齊。落地黃。雀不知。蘄水縣物產。黏之屬。曰黑穀。曰五十黏。曰六十黏。曰七十黏。曰圓頭黏。曰齊頭黏。曰楊三黏。曰矮脚黃黏。曰蓋草黏。曰銀條黏。曰無名黏。曰天降黏。曰蝦鬚黏。曰金包銀黏。曰得雁紅黏。曰浙江黏。糯之屬。曰飛上倉糯。曰魚子糯。曰馬棕糯。曰雪黃糯。曰蜜蜂糯。曰虎皮糯。曰破殼糯。曰除黃糯。曰黃金糯。曰徽州糯。曰烏節糯。曰童子糯。曰淨田糯。曰芭茅糯。晚之屬。曰八月晚。曰烏節晚。曰光頭晚。曰徽州晚。曰童子晚。羅田縣物

產稻類。七十日秈。百日秈。四節穀。蓋草秈。油粟赤秈。雲田秈。瘦田秈。柳條赤秈。白花秈。大粒赤秈。烏風秈。黃泥秈。脂頭秈。麻秈。穀。矮脚黃秈。烏三節秈。黃粒穀。三朝齊。望水白。水葡萄。紅桃熟。江南晚。黑殼晚。芭茅晚。子晚穀。珍珠晚。紅節穀。鬚鬚晚。香子晚。桐子晚。交秋糯。老人蔣。紅殼糯。馬牙糯。白殼糯。黃瓜秈。鐵脚糯。馬鬃糯。折二糯。界下其。三百零糯。蜜蜂糯。羊鬚糯。黏糯。黃梅縣物產。早稻。曰洗耙早。救公饑。流水早。一刀齊。飛上倉。黃金糯。晚稻。曰烏穀。見秋紅。竹極黏。蓋草黏。青水糯。柳條糯。烏節糯。赤米糯。德安府物產。稻有黏者。黏之類有三。曰早稻。曰遲稻。曰晚稻。早者則有所謂落地黃。救公饑。一

金定抄用通考 卷三十三 二

坵水等苞齊。接早。江西早。此布種宜早。且須沃壤。遲稻。則有所謂無名黏。榔頭黏。銀條黏。青黏。亂麻黏。溝黏。道黏。爨八石者。色皆白。又有色紅者。曰紅殼。晚稻有芒。種於夏秋之交。穫於冬初。一種名香籽。晚者。以味香故名。蒼穀者。其種法不必浸種分秧。但耕田下子。五六十日可實。湖人被水害者。水退不遑他穀。故多布此。然亦須田。山原不多藝。有糯者。分早遲二種。早者名金線糯。絲茅糯。留兜翻。墊倉底。虎皮糯。布種宜早。遲者名柳條糯。鵝翎白。溜沙白。紅糯。紅毛糯。烏糯。枝江縣物產。稻之屬。有大黏。有小黏。有香黏。有早稻。俗名五十黏。有晚稻。臨冬方熟。另有以糯穀名。或紅或白。或畫眉。或柳條。

蓋隨其色與形而轉名也。寧鄉縣物產穀種十有一。曰竹枝黏。又名落花黃。洗鎖早。救窘糧。收甚早。六十日黏。有高脚短脚之分。收亦早。百日黏。一名大穀早。以上色俱白。油紅黏。一名紅米早。以上收頗早。秋紅黏。一名硬頭紅。又名南禾。螃皮黏。又名柳黏。收稍遲。以上皆食類。珍珠糯。又名燒衣糯。麻糯。一名響糯。又婆耘。又名巴過嶺。言難落也。早白糯。遲白糯。以上皆飲類。瀏陽縣土產。稻之品。有白黏。紅黏。麻黏。茆黏。黃泥黏。鬚黏。又名曰鹿見愁。晚米黏。金包銀糯。早糯。晚糯。湘鄉縣物產。稻之類。有沙邱早。江西早。楊柳黏。齊頭黏。金包銀。油綠黏。紅晚禾。麻黏。順水拖。亂麻黏。燒衣糯。早白糯。蜜蜂糯。



黑糯。黃糯。麻糯。蠻子糯。模糯。紅殼糯。邵陽縣食貨。稻之屬。有杭盤穀。早。五十日黏。六十日黏。夜齊早。雞婆早。祈陽早。赤鬚早。桐子白。沙黏。皆熟於六月中。鯽魚白。火燒黏。油黏。桂陽黏。蘇州早。大穀黏。思南黏。皆熟於七月中。福德黏。亂麻黏。北風黏。深田紅。皆熟於八月中。南木。秬。下馬看。香甜米。馬尾黏。臨武黏。靖州黏。道州禾。廣西禾。皆熟於九月十月。乾禾。種於山。蓋茅黏。同人黏。芥菜黏。銀莖黏。金包銀。烏鴉黑。四香禾。六月白。江西早。八風黏。隴裏黏。鬚黏。割根秬。扁砂禾。栗子杭。順水拖。蛇牙黏。以上早晚熟。有候。有糯。裏田紅。矮婆糯。紅殼糯。銀莖糯。蝦公糯。冷水糯。蠻子糯。思南糯。麻糯。響糯。木禾糯。乾禾。

糯種於山。早晚種熟有候。桂陽糯。蓋茅糯。巴仔糯。雞婆  
油糯。刷把糯。蜜蜂糯。銀綿糯。拋糯。城步縣物產。稻之  
屬。百日黏。油黏。銀莖黏。桂陽黏。蓋茅黏。麻穀黏。夜齊黏。  
沙黏。大穀黏。北風黏。隴裏黏。呆黏。割根秬。扁砂禾。南木  
秬。雲南紅。杉木紅。赤米紅。老來白。南流根。野豬鬃。大白  
禾。香白禾。冷水紅。桂陽糯。矮糯。紅殼糯。蝦公糯。黃絲糯。  
冷水糯。水菅糯。響糯。新寧縣物產。稻秬之屬。六十日  
黏。火燒黏。蓋茅黏。大穀早。同人黏。思南早。芥菜黏。銀根  
黏。金包銀。烏鴉黑。四香木。六月白。江西早。八方黏。隴裏  
黏。鬚黏。南木秬。割根秬。扁砂禾。栗子秬。順水拖。蛇牙黏。  
冷水紅。糯之屬。響糯。油糯。刷把糯。矮糯。麻糯。蜜蜂糯。雞

婆糯。銀線糯。蠻子糯。桂陽糯。蓋茅糯。鰕公糯。白莖糯。巴  
仔糯。黑糯。衡陽縣物產。兩接早。救饑早。安南黏。模黏。  
油紅黏。百日黏。團穀黏。齊黏。天降黏。秋黏。冬黏。順風黏。  
晚禾黏。早糯。白糯。黃糯。紅糯。鐵鬚糯。大糯。花穀糯。永  
明縣土產。早稻之品。百日黏。鼠牙黏。蘆荻黏。短穀黏。冷  
水黏。李家糯。白雉糯。早地禾。赤米黏。白米黏。寶慶禾。晚  
禾之品。珍珠秬。里宗禾。白皮赤。律禾。晚地禾。珍珠糯。鹿  
毛糯。白鬚糯。鰕皮秬。豆子禾。荔浦禾。大白糯。細白糯。紗  
藍糯。永興縣土產。兩節黏。百日黏。翻生黏。紅頭黏。生  
鬚黏。南黏。寶慶白。茶子禾。梁山黏。油黏。梁山糯。南禾糯。  
黃絲糯。紅禾糯。銅鼓糯。大禾糯。百日糯。冷水糯。興寧

縣物產。金包銀黏。湘潭黏。火燎黏。雪黏。桃花黏。脫黏。百口黏。三夜齊。豬膏黏。鬼見愁。黏黃糯。大紅糯。銀硃糯。鴨婆糯。南禾糯。黃瓜糯。銅鼓糯。涼傘糯。桂東縣物產。南京黏。茅裏黏。洗白黏。靜洲黏。三寶黏。毛仔黏。大禾糯。紅米糯。冷水糯。柳條糯。黃瓜糯。達州方產。稻有早黏。晚黏。大白黏。拋犁黏。香黏。黃黏。各種。嘉定州物產。稻其最佳者。糯則有百金早。三百顆。花殼。紅殼。豬脂。虎皮。黏。則有毛香子。百日早。老鼠牙。蓋草黃等名。其尖刀殼。黑泥黃泥等黏。皆常品。在在宜之。惟佳者非腴田不可。眉州物產。稻有白早毛。香麻早。黃泥黏。黑泥黏。青稈黏。三百顆。花殼糯。柳條糯。豬油糯。清酒釭。榮經縣物產。

稻之屬。蓋草黃。金線早。洗把早。冷水穀。石頭穀。義子穀。白穀。紅穀。白糯。麻糯。馬胡糯。香糯。福州府物產。稻二種。曰粳。曰秈。名品甚多。志其大者。春種夏熟曰早稻。秋種冬熟曰晚稻。其歲一熟者曰大冬。又有各種。曰旱黏。山田可種。附郭則少。曰天降來。從霜降後熟。曰薰提。曰黃芒。與早稻同熟。曰占城。與晚稻同熟。曰稊。早稻既穫後。苗始蕃。亦與晚稻同熟。曰土輪。多出洲田。其歲再熟者。又有曰金洲。曰白香秈。與早稻同熟者曰早秈。與晚稻同熟者曰晚秈。與大冬同熟者曰大冬秈。古田縣物產。稻之屬。赤早穀。黃米紅。無芒。七月收。白早穀。米俱白。亦名古田早。八月收。白稻。穀米俱白。有芒。十月收。降

來穀。米俱白。無芒。可作麩。九月收。芒啄穀。米俱白。芒短。  
十月收。紅芒秣。穀紅米白而大。有芒。豬骨秣。米白無芒。  
十月收。福清縣土產。早稻有白赤二種。信州早。種出  
信州。副院早。種出天竺。副院。金城早。色紅。占早。種出占  
城。稊。早稻既穫後。其苗始蕃。晚稻。色紅有芒。秋種冬熟。  
大冬。色白有芒。一歲一熟。天降來。霜降後熟。大白秣。芒  
白。臘脂秣。色畧似臘脂。鵝卵秣。粒似卵形。黃閨秣。粒長。  
莆田縣物產。稻有大冬。稻。早稻。晚稻。大冬。稻。春種冬  
熟。歲惟一收。早稻。春種夏熟。穫後卽插。晚稻。歲可兩收。  
有米黏可釀酒者。謂秣。有赤白而香者。謂白稜。又有黏  
稻。俗名旱黏。白黏。又有畚稻。不用水耕。高山皆可種。

仙遊縣物產。稻有粳有糯。年一收者。謂大冬稻。其粒大。年兩收者。春種夏熟。爲早稻。秋種冬熟。爲晚稻。一種黏稻。無芒而粒大。其色有白有斑有赤。稻名有白香白黏青黏早赤烏秣赤秣等名。泉州府物產。稻之屬。早稻有赤白二種。晚稻有赤白二種。大冬有赤白二種。寄種與早稻同下種。早稻刈後更發苗。至十月結實。有芒。米赤色。又一種無芒青。晚墾田多種之。其種與收。俱遲於早稻一月。米色赤。占城稻耐旱。其色有白有斑有赤。自種至熟。僅五十餘日。涸燥之地多種之。畝稻種出獠蠻。必深山肥潤處。伐不焚之。以益其肥。不二三年。地力耗薄。又易他處。白香春種秋熟。有芒。殼黃米白味香。又一

種無芒。更美。名過山香。降來夏種。秋熟有芒。差短。穀米俱赤。大尖。春種。秋熟。穀赤無芒。與早赤大同小異。又有小尖。比大尖差小。中灌。五月種。十月收。穀赤米白。已上秔稻。早秔。晚秔。大冬秔。赤莠秔。莠穗。赤色米白。卽荔枝秔。牛頭秔。一名好殼。而清香。白鬚秔。卽赤六。已上糯稻。惠安縣物產。稻之品。先後遲速。大率繫於地氣。依山山高氣深。寒常多。暮春漬種。苗生甚遲。至冬乃熟。謂之大冬。分赤白二種。白中有秔。有糯。顆大。殼厚。味香。氣力完足。雖一種而收入兼二季所有者。平原之地。暖常多。驚蟄後卽漬種。至秋初而熟。謂之早稻。又翻治其田。種冬稻。早稻種類。頗同大冬。而氣力差減。冬稻皆秔。赤米。



青晚耐風與水旱亦能勝鹵氣。埭田多種之。其種與收俱遲。早稻一月。又有烏芒稻種。漬甲微拆投土中。乃發芽抽苗。與青晚同熟。鹵地之尤鹹者宜之。殼麤厚。味酸澀不香。占城稻耐旱。瀕海春多雨。至夏常旱。此穀自種至收。僅五十日。備旱之地多種之。亦有赤白二種。畚稻。漳州人來賃山種之。同安縣物產。秔稻有大冬。早種。早粳。遲粳。晚粳。諸種。糯稻有虎皮黃。羹花眉。山豬。兔白。秣。赤殼。白黏。過山香。諸種。禾亦糯屬。宜亢爽地。粒頗大。味亦香。永春縣物產。早稻。晚稻。大冬。寄種。青晚。早秣。晚大冬。秣。龍溪縣物產。稻有早稻。春種。夏熟。有粳。有糯。米有赤白二色。糯米謂之大秣。有晚稻。秋種。冬收。有

芒多赤。近亦有白者。亦有糯。謂之小秣。有大冬。夏種冬收。亦分粳糯二種。又有寄種。與早稻同種。與晚稻同收。水田多有之。有黏稻。性耐旱。其色有白。有斑。有赤。比諸粳反佳。白者爲上。班次之。又有香稻。芒紅。味香。有白柳米。極精白。又有畚稻。顆粒最大。俗呼曰禾。漳浦縣土產。稻有粳有糯。有尖。有香。稻有白柳。其實有白米。有赤米。長泰縣土產。秔稻。種有早晚。早六月收。米盡白。有山東安南等名。晚十月收。米赤白兼。白名斑黏柳仔。赤名大稻。回洋等不一。又有大冬。年一收。殼厚。米尤硬。糯稻早晚俱有。赤殼者名金包銀。晚有斑黏。蛾眉。長芒。鵝卵等種。米俱白。赤殼爲上。大田縣物產。早仔。大稻。金

城早。八月白。長芒。尤溪縣物產。稻有秈有糯。糯有虎皮黃。羹花眉諸種。其顆大純白。氣力足者。謂之半溪秈。秈則有南安早。山東早。江西早。百日早。宜初春種。又一種附春稻種。而與秋同熟。謂寄種。亦秈屬。而氣味差減。建陽縣方產。稻屬禾仔。未立冬收。黃禾。宜肥田。三月種。十月收。孫都禾。宜肥田。三月種。七月半收。浦城白。蘇州白。有芒。俱宜肥田。黃衣禾。赤殼禾。俱瘦田可種。葡萄禾。其米赤。九月收。小烏禾。荔枝禾。其米白。瘦田。倒。俗名旱禾。山原多種。糯屬重陽秈。重陽時熟。車排秈。黃衣秈。其色黃。鐵尻秈。珍珠纍。大冬秈。白秈。仔東溪秈。牛尾麻子秈。無芒秈。灰秈。俱宜肥田。公婆秈。崇安縣貨產。稻

之屬。紅禾。赤禾。烏禾。糟禾。青秀禾。烏蒂禾。小穀赤。車斑  
禾。葡萄禾。荔枝禾。吳家傳。鷓鴣斑。下馬看。蘇州子。瘦田  
倒。蔴秣禾。魚禾。以上皆晚禾。大早。小早。粿早。福德早。紅  
根早。師姑早。龍游早。汀州早。政和早。火燒早。以上皆早  
禾。巖秣。重陽秣。大冬秣。黃衣秣。蘇州秣。鐵腳秣。牛尾秣。  
以上皆秣禾。浦城縣土產。小早。九十日熟。米有赤白  
二種。無芒。六月收。大早。一百二十日熟。米有赤白二種。  
無芒。白秬早。龍鳳早。師姑早。白芒早。秣。以上七月八月  
收。烏龍牙。下馬看。銀秣。黃穀。紅秣。椒子秣。冷水秣。粿  
穀。吳傳。苦秣禾。以上九月十一月收。政和縣土產。大  
早。六十日。江西早。清流早。禾。粿。小糯。壽寧縣物產。

烏節早。清流早。芒。下早。上東早。下南早。赤殼早。大紅溪頭早。烏帶赤芒早。黃柏藥。大糯。珠糯。三下槌。林下黃。大小黃。柴紅。白糯。光澤縣物產。早稻。八月白稻。大黑稻。大黃稻。赤糯稻。白糯稻。建寧縣物產。六十日黏。百日黏。秋風黏。溫涼黏。陝西黏。清流黏。肥豬黏。大穀黏。八月白。獲黏。金城禾。光頭禾。以上皆早稻。春分節後插。大暑節後刈。黎木赤。堆穀白。白穀赤。矮檣紅。漢公烏。披露白。垂金赤。小金禾。鷓鴣斑。甸山白。野豬愁。以上皆晚稻。宜下濕。夏至節後插。白露節後刈。白露糯。響鈴糯。長腰糯。苦株糯。虎皮糯。羊鬚糯。重陽糯。青皮糯。道峯糯。竹絲糯。黃絲糯。椒子糯。大冬糯。以上皆糯。內惟響鈴一種。造酒。

甚佳。臺灣府土產。早稻。晚稻。禾黏稻。水田者名爲黏。芒種後種。米絕佳。埔地者名爲埔黏。立夏後種。米稍遜。寧德縣物產。稻。春種夏熟曰早稻。春種冬熟曰晚稻。早稻有白早。有烏早。有金城早。卽占城早也。近有鋪。早。先晚稻一月而熟。晚稻有白稻。殼米俱白。有紅稻。殼赤米白。有紅米娘。殼黃米紅。有光頭郎。無芒米白。有米秀。穗長米白。秣稻有紅秣。有黃卮秣。近時有一種米耗紅。性極柔膩。蹂爲粉。若丹粉然。番禺縣物產。糯米有兩熟。早熟五月收。性多堅。宜粉食。其稈柔。邑人和泥塗壁能久。各花殼糯。晚熟十月收。性粘軟。名蜜子糯。宜釀酒。其稈燥不適於用。黏米早熟。有望夫岡。早糲。新會

黏。黃黏。南京白。料禾澗。各種。五月收。晚熟有黃黏。鬼奴  
黏。白殼諸種。九月收。水田一熟。有大禾。霜降赤黏。秋分  
黏。紅鬚稻。蝦稻諸種。四月下秧。九月收。從化縣物產。  
稻之品曰黏。有赤黏。黃黏。白黏。花黏。薯梁黏。鷓鴣黏。深  
水蓮糯。有黃糯。白糯。紅糯。麻糯。秔。有餘秔。赤秔。增城  
縣物產。稻多黏。早熟有冷黏。赤穀黏。晚熟有白花黏。赤  
花黏。鼠牙黏。最佳。多糯。有黃糯。白糯。焦糯。聖糯。又有香  
粳。最美。新安縣方產。稻類。早黏。黃黏。斑黏。鹹敏。紅頭  
黏。鼠牙黏。黃糯。白糯。早糯。旱糯。高州糯。烏嘴糯。紅糯。黑  
糯。莆菱。菱穀。乳源縣物產。稻之屬。曰黏。有矮脚。赤色。  
高脚。白米遲黏。交秋黏。鼠牙黏。大谷黏。黃黏。曰糯。有光

頭糯。紅糯。早糯。黃糯。椒糯。鐵皮糯。白糯。龍川縣物產。  
黏稻。有積玉。雪堆。金包銀。赤白湖。裏鼠牙。鹿角嘴。粳稻。  
藤糯。稻。藤黃。馬尾。蝦公。香白。赤。烏鬚。早稻。有黏粳糯三  
種。有六月熟者。有八月熟者。輦稻亦三種。山間待雨而  
耕。輦。字典不載。海陽縣物產。稻之屬。爲赤早。爲白早。爲烏

種。爲早秣。爲大秣。爲尖秣。爲白黏。爲黃黏。爲赤腳黏。

程鄉縣物產。稻之屬。爲赤早。白早。爲早秣。大秣。爲白黏。

黃黏。爲赤腳黏。爲香禾。畚禾。歲田一穫。爲大冬。惠來

縣物產。粳之屬。有光鐵漢。六十日。西風早。光早。金包銀。

糯之屬。有烏早。早落。火燒。赤腳。馬牙。平遠縣物產。稻

之屬。白黏。赤黏。百日子。南安早。俱早收。金包銀。九月子。



高脚赤。矯脚赤。雪裏芒。瑞金黏。清流黏。俱晚收。響糯。白毛糯。紅光糯。俱早收。高脚糯。蓑衣糯。畚禾糯。俱晚收。鎮平縣物產。稻之屬。爲赤早。爲白早。爲百日早。爲旱糯。爲冬糯。爲白黏。爲黃黏。爲赤脚黏。高要縣土產。穀品多黏。多秣。黏在腴田。則有細黏。青藁。紅藁。麻包錦。鼠牙。下馬看。清水黏。黃魚串。落滋黏。山豬怕。八月黏。潮田。則有黃連黏。交趾黏。大黏。淋漓黏。大長毛。小長毛。晚赤之屬。稻早晚早三種。又有尖鼻。烏尻。鷓鴣臀。又有大禾稻。鬚芒及寸。種塘中。與水俱長。莖丈餘。正月布穀。九月乃登秣。有赤糯。白糯。黃糯。油糯。烏豚糯。斑魚糯。羊鬚糯。荔枝糯。番鬼糯。水流糯。旱糯。早糯。紐糯。性軟味香。美。

粒長三分。極大者。昔無。今有。番鬼糯。一名番生。羊鬚糯。名羊眼。陽江縣物產。稻種類頗多。以細黏爲上。黃糖白米。青黏次之。黃黏又次之。毛穀爲下。高明縣土產。稻有早晚。早三種。又有尖鼻。烏尻。鷓鴣臀。又有大禾。稻鬚芒及寸。種塘中。與水俱長。莖丈餘。正月布穀。九月乃登。黏在腴田。則有細黏。青膏。紅膏。麻包銀。鼠牙。落滋黏。山豬怕。八月黏。黃連黏。糯有赤糯。白糯。黃糯。油糯。烏豚糯。荔枝糯。番鬼糯。旱糯。早糯。電白縣物產。稻有黏。曰青藁。曰黃黏。曰白黏。曰赤黏。曰白殼。曰牛皮早。曰細粒。曰早黏。曰長鬚。曰懶黏。曰黑鐵。曰馬尾黏。有糯。曰荔枝糯。曰靈山糯。曰油糯。曰白糯。曰長鬚糯。曰番鬼糯。曰早

糯。曰懶糯。石城縣物產。稻之種。曰早稻。曰早黏。曰六  
十日。曰芒稻。曰馬屎。曰禾名。曰黃黏。曰白黏。曰馬尾黏。  
曰小黏。以上米白。曰鐵槌。曰紅周。二種米赤。曰牛牯。不  
懼風。曰大糯。紅芒。黑芒。無芒三種。曰小糯。曰粳。曰香杭。  
曰黃穠。朱鵝。黃色。近遂溪界有之。曰水芮。宜水田。曰鹹  
稻。曰大塞。二種宜鹵田。曰百稔。曰坡黎。曰坡蘭。曰坡禾。  
各四種。宜高坡。曰山旱。曰山禾。各二種。宜山。徭人利之。  
曰芮稻。二月與早種拌播。刈早禾後乃芮生。海康縣  
土產。稻之種十有五。曰早稻。早黏。秣稻。光芒稻。長芒稻。  
香杭粳稻。古杭珍珠稻。黏稻。百稔稻。黃穠稻。芮稻。紅芒  
稻。烏芒稻。合浦縣物產。稻屬六。禾白。禾毛。禾赤。禾坡。

禾會。禾旦。糯。八月粒。赤陽糯。晚糯。老鴉糯。欽州物產。

稻屬六。禾毛。禾白。禾赤。禾翼。糯。八月粒。馬蜆糯。赤陽糯。

白粒。赤粒。毛粒。畚禾。潮禾。大糯。蝦鬚糯。香臺糯。交趾糯。

瓊山縣土產。稻。粳。秫。二種。粳者曰白芒。曰香秫。曰烏

芒。曰珍珠。曰鼠齒。曰早禾。曰黏稻。曰山禾。秫曰光頭。曰

九里香。澄邁縣土產。秔。稻。糯。稻。秔。有數種。曰百箭。烏

齋。黃其。東海。鼠牙。八黏。矮脚。白芒。紅芒。烏芒。早禾。山禾。

坡稻。小種稻。黏稻。糯。有數種。曰黃鱸。烏鴉。烏罕。光頭坡

糯。小熟糯。會同縣土產。粳。稻。長芒。百箭。俱二熟。黃沙。

黑芒。紅芒。牛鬚。俱小熟。黃疏。山豬。斑蓋。鼠牙。烏節。廉州。

珠蓋。穀圓如珠。七黏。俱大熟。山禾。坡禾。俱山中之人。刀

耕火種亦大熟糯稻。牛頭。芒花。烏鴉。狗蛇穀。傍有翅如蛇。黃鱗。馬眼。光頭。大糯。小糯。儋州土產。秔稻有赤黏。烏齋。百線。香禾。珍珠禾。山肉。赤鬚。山禾。黎人伐山種之。曰刀耕火種。早割。藝之。三月卽熟。鼠齒偶獲數種。糯稻有黃鱗。貝子。黑糯。早割。交趾。五月。光頭。數種。羅定州物產。稻有黏。其種七。曰黃。曰赤。曰白。曰細粒。曰青藻。曰早。曰長鬚。有糯。其種四。曰荔枝。曰番鬼。曰瀨。曰坡。有粳。有秔。似粳而黑。六月熟。懷集縣物產。白銀黏。桃花黏。岡黏。番生黏。紅米黏。沙黏。南寧黏。斑黏。白銀粳。香粳。烏牛粳。鐵錘粳。香糯。塔岡糯。狗踏糯。油糯。鴨脚糯。大紅糯。安南糯。番生糯。無鬚糯。桔貝糯。早龍糯。白藤糯。禿鬚糯。

南寧府物產。稻粳有毛粳。六月粳。八月粳。黏有白黏。紅黏。早黏。鼠牙黏。長腰黏。六月黏。糯有紅白黃皮黑皮諸種。早糯。含香糯。黃鬚糯。黑鬚糯。六月糯。光糯。毛糯。狗眼糯。赤陽糯。黃蠟糯。斑糯。鴉鳩糯。銀絲糯。泥糯。魚包糯。飯糯。香糯。新寧州物產。黏穀。早穀。晚穀。勝穀。淥禾穀。大苗穀。三月穀。麻現糯。白殼糯。花殼糯。烏殼糯。振安白糯。橫州物產。稻有秈黏糯三種。秈有毛秈。六月秈。八月秈。黏有白黏。紅黏。早黏。晚黏。畚禾黏。其穀之光芒大小長短不同。其米之赤白紫烏堅鬆香否不一。總以晚白者爲第一。糯有光糯。毛糯。狗眼糯。黃蠟糯。斑糯。早糯。香糯。昆明縣特產香糯。富民縣物產。紅稻。白稻。柳

葉糯。宜良縣特產。茴香糯。嵩明州物產。麻線穀。光頭穀。金裹銀糯。青芒。白穀。紅穀。呈貢縣物產。白穀。紅穀。老鴉穀。糯穀。長芒穀。昆陽州物產。大白穀。小白穀。冷水穀。水長穀。老來紅。青芒穀。大小糯穀。早穀。建水州物產。紅稻。白稻。黃稻。香稻。糯稻。早稻。香糯。黏糯。柳條糯。石屏州物產。小白穀。安頓穀。冷水穀。大細。麻線。紅心。百日早。烏穀。紅皮。紅白。梗齒。柳條。新興白。紅他。狼。鐵穀。假糯。飯糯。響穀。花皮。長無芒香。大小糯米。葉裹藏。金裹銀。通海縣物產。香穀。百日早。黑穀。小白穀。紅芒穀。冷水穀。背子穀。柳條糯。紅皮。白皮。黃米。嶧峨縣物產。香穀。糯穀。白穀。紅穀。黑穀。早穀。早穀。細穀。蒙自縣物

產香稻。紅稻。白稻。旱稻。長芒稻。水旱稻。紅皮糯。黑皮糯。  
柳條糯。新興縣物產。稻之屬。黃殼。小殼。落子穀。百日  
穀。香穀。葉裏藏。黑大殼。旱穀。水穀。金裏銀。糯之屬。柳葉  
糯。紅殼糯。香糯。圓糯。廣西府物產。稻之屬。香穀。旱穀。  
旱秧穀。白心水穀。紅心穀。早穀。遲穀。黃皮穀。黑皮穀。老  
來紅。三白子。背子穀。麻綿穀。青芒穀。羊毛穀。蔓穀。糯之  
屬。圓糯。長糯。黃糯。黑糯。弓糯。小糯。臙脂糯。虎皮糯。香糯。  
柳條糯。趙州物產。稻之屬。十三白麻線。紅麻線。豆嘴  
白穀。紅皮。矮羅。青芒。老鴉翎。金裏銀。早穀。弓穀。葉裏藏。  
白毛穀。糯之屬。八香糯。殼糯。黑嘴糯。油糯。柳條糯。大糯。  
小糯。白圓糯。雲南縣物產。紅麻線。大黑嘴。白鼠牙。大



香穀。鄧川州物產。金裹銀。銀裹金。矮樓。長芒。光頭。香糯。紅糯。大糯。小糯。麻線。高脚梁。白鷺豐。老鴉翎。雲龍州物產。穀之屬十。落地白。白麻線。黑嘴。紅皮矮。白皮矮。早弔。六月熟。金裹銀。銀裹金。早稻。秣之屬四。香糯。黑嘴糯。響穀糯。麻線糯。永昌府物產。飯穀有十種。光頭穀。毛穀。早穀。麻線穀。香光頭穀。紅穀。黑早穀。白早穀。葉裏藏穀。金裹銀穀。糯穀有九種。紅糯。白糯。烏糯。水糯。虎皮糯。柳葉糯。香糯。大糯。團顆糯。楚雄府物產。秣秣糯。粳。黃殼。烏嘴。虎斑。紅芒。廣通縣物產。稻。爲秣。爲糯。爲秣。爲黃殼。白殼。爲烏嘴。紅芒。爲虎斑。爲香糯。爲香稻。爲金齒鼠牙。其別種也。爲早稻。定邊縣物產。稻之種十。鴉

林稻。紅芒稻。白殼稻。黃殼稻。虎皮稻。白黑稻。烏嘴稻。大香稻。晚稻。早稻。姚州物產。稻之屬。紅白毛穀。光頭。長老麻線。青芒。早弔穀。鶴慶府物產。紅稻。白稻。長芒稻。香稻。出羅陋川。細稻。出大孟村。冷水稻。三月栽。六月熟。麓川稻。種自麓川來。金裹銀稻。皮紅米白。銀裹金稻。皮白米紅。麻線稻。虎皮糯。珍珠糯。牛皮糯。松子糯。早糯。順寧府物產。稻。黃穀。黑穀。紅穀。遲穀。花穀。矮老糯。安喜糯。安慶穀。安來穀。蒙化府物產。稻。杭。香杭。黃黑紅白。遲百日。花穀。落子。矮老。黑毛。麻線。老鴉翎。背子糯。穀。香糯。背子糯。黃糯。矮老糯。凡二十種。

欽定四庫全書

卷三十一

三十一

欽定授時通考卷二十三

穀種

稷 梁

粱



禮記曲禮梁曰薺其。

**注**其辭也。**疏**正義曰。梁謂白梁黃梁也。其語助也。

周禮天官食醫凡會膳食之宜犬宜梁。

**正義**犬味酸而溫。梁米味甘而微寒。氣味相成。**訂義**犬金獸也。梁西方之穀。與金畜相宜。

爾雅薺赤苗。

**注**今之赤梁粟。

又芑白苗。

**注**今之白梁粟皆好穀。**疏**案詩大雅生民云。誕降嘉種。維秬維秠。維糜維芑。故此釋之也。薺與糜音義同。薺即嘉穀赤苗者。郭云今之赤梁粟。芑即嘉穀白苗。

者。郭云。今之白梁粟。皆好穀也。

**博雅**。藿梁。木稷也。

**廣志**。有具梁。解梁。有遼東赤梁。鹽鑽梁。粒如蟻子。魏文帝以爲粥。

**爾雅**。翼梁。今之粟類。古不以粟爲穀之名。但米之有稗穀者。皆稱粟。今人以穀之最細而圓者爲粟。則梁是其類。內則曰飯黍。稷稻梁。白黍黃梁。稭稊。說者曰。下言白黍。則上是黃黍。下言黃梁。則上是白梁。今梁有三種。青梁。穀穗有毛。粒青。米亦微青。而細於黃白米也。夏月食之。極爲清涼。但以味短色惡。不如黃白梁。故人少種之。亦早熟而收少。作餈。清白勝餘米。黃梁穗大毛長。穀米

俱麤於白梁。而收子少。不耐水旱。食之香味美於諸梁。人號爲竹根黃。白梁穗亦大。毛多而長。穀麤扁長。不似粟圓。米亦白而大。其香美爲黃梁之亞。古天子之飯。所以有白梁黃梁者。明取黃白二種耳。今人大抵多種粟而少種梁。以其損地力而收穫少耳。然古無粟名。則是以梁統粟。今粟與梁功用亦無別。明非二物也。梁比他穀最益胃。但性微寒。其聲爲涼。蓋是亦借涼音。如許叔重說黍大暑而種。則以黍從暑。梁從涼。其義一也。

**農政全書**

王禎曰。赤白梁。其禾莖葉似粟。粒差大。其穗

帶毛芒。牛馬皆不食。與粟同時熟。

本草綱目李時珍曰。梁者良也。穀之良者也。或云種出



自梁州。或云梁米性涼。故名。皆各執已見也。梁卽粟也。考之周禮。九穀六穀之名。有梁無粟。可知矣。自漢以後。始以大而毛長者爲梁。細而毛短者爲粟。今則通呼爲粟。而梁之名反隱矣。今世俗稱粟中之大穗長芒粗粒。而有紅毛白毛黃毛之品者。卽梁也。黃白青赤。亦隨色命名耳。郭義恭廣志。有解梁。貝梁。遼東赤梁之名。乃因地命名也。陶弘景曰。凡云梁米。皆是粟類。惟其芽頭色異。爲分別耳。汜勝之云。梁是秫。粟則不爾也。黃梁出青冀州。東間不見有。白梁處處有之。襄陽竹根者爲佳。青梁江東少有。又漢中一種。臬梁。粒如粟而皮黑可食。釀酒甚消瘵。蘇恭曰。梁雖粟類。細論則別。黃梁出蜀。

漢商纘間。穗大毛長。穀米俱麤於白梁。而收子少。不耐水旱。食之香美。勝於諸梁。人號竹根黃。陶以竹根爲白梁。非矣。白梁穗大。多毛且長。而穀粗扁長。不似粟圓也。米亦白而大。食之香美。亞於黃梁。青梁穀穗有毛。而粒青。米亦微青。而細於黃白梁。其粒似青稞。而少粗。早熟而收薄。夏月食之。極爲清涼。但味短色惡。不如黃白梁。故人少種之。作餉清白。勝於餘米。寇宗奭曰。黃梁白梁。西洛農家多種。爲飯尤佳。餘用不甚相宜。

又黃梁米。氣味甘平。無毒。寇宗奭曰。青梁白梁。性皆微涼。獨黃梁性味甘平。豈非得土之中和氣多耶。蘇頌曰。諸梁比之他穀。最益脾胃。

又白梁米。氣味甘。微寒無毒。李時珍曰。炊飯食之。和中。止煩渴。

又青梁米。氣味甘。微寒。無毒。李時珍曰。今粟中有大而青黑色者是也。其穀芒多米少。稟受金水之氣。其性最涼而宜病人。

直省志書

歷城縣方產。梁。俗云梁穀米。可入祀品。

鄒平縣物產。白穀粒白圓大。俗謂梁穀米。滋陽縣物

產。梁有黃白紅黑四種。鄒縣物產。梁有黃白紅黑四

種。沂州物產。梁有黃白紅黑四種。昌邑縣物產。梁

黃白二種。邳縣物產。梁細粒而色白。馬邑縣土產。

梁有早晚大小。及紫白之異種。臨潁縣物產。青梁白

梁黃梁。咸陽縣物產。梁其米青者爲青梁。夏日食之清涼。其米白者形如芝蔴。爲芝蔴梁。黃梁穗大。毛長。味美。謂之竹根黃。然赤黃二種。甲稔雖有二色。而其米皆白。慶陽府物產。梁黃白青紅龍爪羊角蠟燭芝蔴長角。凡九種。長泰縣物產。梁俗呼好穀。卽香糯。青梁。穗有毛。米微青。頗長。黃梁。穗大毛長。米畧麤。白梁。穗大。米扁長。又有八畝者。米赤。大於諸梁。更香。北方無此穀。以糯稷白者爲梁。非是。

稷



禮記曲禮稷曰明粢。

**疏**正義曰。稷。粟也。明。白也。言此祭祀明白粢也。尚書云。黍稷非馨。詩云。我黍與與。我稷翼翼。爲酒爲食。以享以祀。黍稷爲五穀之主。是粢盛之貴。

周禮天官食醫。凡會膳食之宜。豕宜稷。

**正義**豶豬味酸。牝豬味苦。稷米味甘。甘苦相成。**訂義**豕。水畜也。稷。北方之穀。與水相宜。

夏官職方氏。正西曰雍州。其穀宜黍稷。又河內曰冀州。其穀宜黍稷。

**爾雅**粢稷。

**注**今江東人呼粟爲粢。**疏**左傳云。粢食不馨。粢者稷。

也。曲禮云。稷曰明粢。是也。郭云。今江東人呼粟爲粢。然則粢也。稷也。粟也。正是一物。而本草稷米在下品。別有粟米在中品。又似二物。故先儒甚疑焉。

尚書帝命期。春烏星昏。中以種稷。

說文稷。五穀之長也。糜稯也。

月令章句。稷秋種夏熟。歷四時。備陰陽。穀之貴者。

博雅。稷穰謂之稷。

廣志。破藏稷。逼黍稷也。此二者以四月熟。

隋書。稷五星。稷農政也。取乎百穀之長。以爲號也。

宋史天文志。天稷五星。在七星南。農政也。取百穀之長。以爲號。明則歲豐。暗或不具。爲饑。移徙天下。荒歉。客星。

入之有祠事於內。出有祠事於國外。

**爾雅**翼稷者五穀之長。故陶唐之世。名農官爲后稷。其

祀五穀之神。與社相配。亦以稷爲名。以爲五穀不可偏祭。祭其長以該之。稷所以爲五穀之長者。以其中中央之穀。月令中央土。食稷與牛。五行土爲尊。故五穀稷爲長。又古者號稷爲首種。孟春行冬令。則雪霜大摯。首種不入。蔡邕以首種爲麥。以麥常隔歲而種。故以爲首。而鄭康成以爲稷者。蓋以考靈耀云。日中星鳥。可以種稷。是一歲之初。所先種者唯稷。况又孟春正種稷之時。而云首種不入。卽是極寒。種不入土。不待歲收。然後爲入也。稷又名齊。或爲粢。故祭祀之號。稷曰明粢。而言粢盛者。



本之。諸穀因皆有粢名。小宗伯所謂辨六齋之名物。與其用是也。杜子春又欲讀酒正五齊皆爲粢。以禮運有粢醜在堂。意以粢穀爲醜。則餘四齊亦皆以粢穀爲之。然破五齊從一粢。於義不可。故後鄭但以爲齊者。以度量節作之。更讀禮運粢醜爲齊。此說之不同者也。稷又名爲稌。呂氏春秋曰。飯之美者。有陽出之稌。高誘曰。關西謂之糜。冀州謂之繫。說文。糜。稌也。廣雅曰。繫。稌也。穆天子傳曰。赤鳥之人。獻稌百載。見。今人皆謂之稌。然則稷也。粢也。稌也。特語音有輕重耳。大抵塞北最多。如黍黑色。稷有二種。一黃白。一紫黑。紫黑者芑。有毛。北人呼爲烏禾。今人不甚珍此。惟祠事用之。農家種之。以備他

穀不熟爲糧。

音釋。六齋音棗。謂之六穀。黍稷稻粱麥。五齊音劑。謂泛醴。醴音醴。糟牀下酒。亦。

天中記。稷又名爲稌。

農政全書。賈思勰曰。穀者總名。非止爲粟也。然今人專

以稷爲穀。蓋俗名之耳。朱穀高居黃劉豬豬道愍黃監

穀黃雀懊黃續命黃百日糧有起婦黃辱稻糧奴子場

音加支穀焦金黃鶴鳴合履。今一名麥爭場。此十四種。

早熟耐旱。免蟲。聒穀黃辱稻糧二種。味美。今墮車下馬

看白羣羊懸蛇赤尾龍虎黃雀民溱馬洩韁劉豬赤李

穀黃河摩糧東海黃石駢歲青莖青黑好黃陌南木隈

隄黃宋黃癡指張黃兔胙青惠日黃寫風赤一現黃山

離頓黨黃。此二十四種。穗皆有毛。耐風。兔雀暴一現黃

一種易春。寶珠黃俗得白張鄰黃白麤穀鈞干黃張蟻  
白耿虎黃都奴赤茄蘆黃熏豬赤魏爽黃白莖青竹根  
青調母梁磊礮黃劉沙白憎延黃赤梁穀靈忽黃獺尾  
青續得黃得客青孫延黃豬矢煙熏黃樂婢青平壽黃  
鹿櫛白麤折作黃覃糝阿居黃赤巴梁鹿蹄黃鉞狗倉  
可憐黃米穀鹿櫛青阿返。此三十八種。中麤大穀。白麤  
穀調母梁二種。味美。擇穀青阿居黃豬矢青有二種。味  
惡。黃覃糝樂婢青二種。易春。竹葉青石柳闊竹根青。一  
名胡穀。水黑穀忽泥青衝天棒雉子青鴟脚穀鴈頸青  
攬堆黃青子規。此十種晚熟耐蟲。災則盡矣。徐光啓曰。  
古所謂黍今亦稱黍。或稱黃米。際則黍之別種也。今人

以音近。誤稱爲稷。古所謂稷。通稱謂穀。或稱粟。梁與秫。則稷之別種也。今人亦概稱爲穀。物之廣生而利用者。皆以其公名名之。如古今皆稱稷爲穀也。晉人稱蔓菁爲菜。吳人稱棗爲菓。稱陵苕爲草。洛陽稱牡丹爲花。又曰。稷之苗葉莖穗。與黍不異。經典初不及稷。後世農書。輒以黍稷並稱。故稷者黍之別種也。郭璞注爾雅。藟赤梁粟。芑白梁粟。皆好穀也。言梁又言粟言穀。故梁者稷之別種也。廣志曰。秫黏粟。說文曰。秫。稷之黏者。故秫亦稷之別種也。凡黏穀皆可爲酒。秬黍黏。故人以爲酒。秫者黏稷。亦可爲酒。故陶潛種五十畝秫。非今之葛秫也。雜陰陽書。稷生於棗或楊。九十日秀。秀後六十日成。

羣芳譜。稷粒如粟而光滑。色紅黃。米似粟米而稍大。色黃鮮。三月種。耘四遍。七月熟。四五月亦可種。但收少遲耳。刈稷欲早。八九月熟便刈。遇風卽落。忌與瓠子附子同食。

**本草綱目**李時珍曰。稷從禾從叟。叟音卽。諧聲也。又進力治稼也。詩云。叟叟良耜。是矣。種稷者必叟叟進力也。南人承北音。呼稷爲稭。謂其米可供祭也。禮記祭宗廟。稷曰明粢。爾雅云。粢。稷也。羅願云。稷。稭。粢。皆一物。語音之輕重耳。赤者名麋。白者名芑。黑者名秬。註見黍下。陶弘景曰。稷米人亦不識。書記多云。黍與稷相似。又註黍米云。稭米與黍米相似。而粒殊大。說文云。稷乃五穀

長田正也。此乃官名。非穀號也。先儒以稷爲粟類。粟之上者。皆說其義而不知其實也。按汜勝之種植書。有黍不言稷。本草有稷不載稌。稌卽稷也。楚人謂之稷。關中謂之糜。呼其米爲黃米。其苗與黍同類。故呼黍爲稌。陶言與黍相似者得之矣。陳臧器曰。稷稌一物也。塞北最多。如黍黑色。孟詵曰。稷在八穀之中。最爲下苗。黍乃作酒。此乃作飯。用之殊途。蘇頌曰。稷米。出粟處皆能種之。今人不甚珍此。惟祠祀用之。農家惟以脩他穀之不熟。則爲糧耳。寇宗奭曰。稷米。今謂之稌。米先諸米熟。其香可愛。故取以供祭祀。然發故疾。只堪作飯。不黏。其味淡。李時珍曰。稷與黍。一類二種也。黏

者爲黍。不黏者爲稷。稷可作飯。黍可釀酒。猶稻之有粳與糯也。陳藏器獨指黑黍爲稷。亦偏矣。稷黍之苗似粟而低小。有毛結子。成枝而殊散。其粒如粟而光滑。三月下種。五六月可收。亦有七八月收者。其色有赤白黃黑數種。黑者禾稍高。今俗通呼爲黍子。不復呼稷矣。北邊地寒。種之有補。河西出者。顆粒尤硬。稷熟最早。作飯踈爽香美。爲五穀之長。而屬土。吳瑞曰。稷苗似蘆。粒亦大。南人呼爲蘆稷。孫炎正義云。稷卽粟也。又曰。稷黍之苗。雖頗似粟。而結子不同。粟穗叢聚攢簇。稷黍之粒。踈散成枝。孫氏謂稷爲粟。誤矣。蘆稷卽蜀黍也。其莖苗高大如蘆。而今之祭祀者。不知稷卽黍之。不黏者。往往以

蘆糝爲稷。故吳氏亦襲其誤也。今並正之。

又稷米。氣味甘寒無毒。別錄曰。益氣補不足。心鏡曰。作飯食。安中。利胃宜脾。李時珍曰。涼血解暑。按孫真人云。稷。脾之穀也。脾病宜食之。汜勝之云。燒黍稷則瓠死。此物性相制也。稷米黍穰能解苦瓠之毒。

閩書稷。說文曰。五穀之長也。閩中種稷殊少。惟明祀用之。甌冶遺事。糝米與黍相似而粒大。按此說是藟黍也。北人曰高粱。泉曰番黍。浙人曰蘆糝。閩中山畝磽地。尙有一種。穗如鴨脚。粒與黍相類。磨之可以麩。其稗可以酒。

天工開物。凡糧食。米而不粉者種類甚多。相去數百里。



則色味形質隨方而變大同小異千百其名。北人唯以大米呼粳稻。而其餘槩以小米名之。凡黍與稷同類。梁與粟同類。黍有黏有不黏。黏者爲酒。稷有粳無黏。凡黏黍黏粟統名曰秬。非二種外更有秠也。黍色赤白黃黑皆有。而或專以黑色爲稷。未是。至以稷米爲先他穀熟。堪供祭祀。則當以早熟者爲稷。則近之矣。凡黍在詩書有藁芑秬秠等名。在今方語。有牛毛燕頰馬革驢皮稻尾等名。種以三月爲上時。五月熟。四月爲中時。七月熟。五月爲下時。八月熟。揚花結穗。總與來牟不相見也。凡黍粒大小。總是土地肥磽。時令害育。宋儒拘定。以某方黍定律。未是也。凡粟與梁統名黃米。黏粟可爲酒。而蘆

粟一種。名曰高粱者。以其身高七尺。如蘆荻也。梁粟種類名號之多。視黍稷尤甚。其命名或因姓氏山水。或以形似時令。總之不可枚舉。山東人唯以穀子呼之。併不知梁粟之名也。以上四米。皆春種秋穫。耕耨之法。與來牟同。而種收之候。則相懸絕云。

**直省志書宛平縣物產**。稷有黑白黃三種。保定縣土產。稷有紅有白有黑。歷城縣方產。稷祀神多需此。鄒平縣物產。稷紅白數種。新城縣物產。稷紅。稷黑。稷二種。齊東縣物產。稷紅白數種。長清縣物產。稷有紅黃黑白四種。泰安州物產。稷黃黑二種。萊蕪縣物產。稷有黃紅二種。霑化縣物產。稷之品。紅稷黑稷。

柳稷六十日。滋陽縣物產。稷有黑白二種。鄒縣物產。稷有紅白二種。鉅野縣物產。稷有紅白二種。東平州物產。稷紅黑二種。汶上縣物產。稷有黑白二種。沂州物產。稷有黑白二種。清平縣物產。稷有黑白紅三種。高唐州物產。稷其品二。黑紅。觀城縣物產。稷紅黑二種。日照縣物產。稷有黑白二種。招遠縣物產。稷其色有赤白黃黑數種。陽曲縣物產。稷粟有軟硬二種。祁縣物產。稷有大小二種。視他方味美。定襄縣物產。稷青黃黧黑。臨汾縣物產。稷有大小二種。視他方味美。翼城縣物產。稷有赤黑二種。汾西縣土產。稷黃白黑三種。馬邑縣物產。稷有青紅白黑

四種。與早晚大小之分。涪川縣物產。稷有黃白二種。輝縣物產。稷色有青白紅黃。名有六月秬溜沙白等。皆嘉。他如龍爪兔蹄雞腸鼠尾。隨象立名。動以百計。慶陽府物產。稷黃白紅青黛。凡六種。歙縣物產。稷有黑稷者秬稷也。赤稷者糯稷也。長如蘆葦。號蘆稷。黃稷。皆古之稷也。